

四庫全書

集部

欽定四庫全書

集部  
南宋禱事詩卷  
六

詳校官監察御史<sub>臣</sub>孫家賢

主事銜<sub>臣</sub>徐以坤覆勘

覆校官編修<sub>臣</sub>汪鏞

校對官助教<sub>臣</sub>羅萬選

謄錄監生<sub>臣</sub>趙興文

欽定四庫全書

南宋禱事詩卷六

錢唐厲鶚撰

野店新興駐六軍  
開基節建兆初聞  
試聽一夜臨安雨  
便是天邊華蓋雲

清波襟志高宗自相州渡河初程宿頓問地名以新興店對幕府進言宋室中興其命維新又建炎初符瑞如冰泮復凝紅光如火雲覆華蓋其類不一揮塵前錄政和二年南京鴻慶宮道士孟若蒙進言本宮每遇正月初四日為勅業之日脩設齋醮乞置節名開基以永崇奉詔從其請紹興中若蒙又以前績自陳仰惟太上皇帝中興再造復在南都豈偶然哉揮塵餘話車駕初至臨安府霖雨不止葉夢得等

言州治屋宇不多六宮居必隘窄聖訓曰亦不覺窄但卑濕爾然自過江百官六軍皆失所朕何敢求安

三朝北盟會編紹興二年遷臨安府於奉國寺基

麗正門開散瑞煙六更纔罷雁行聯別拋柘彈驅鴉地

高綴金鈴放鴿天

鼠璞行在南內門名麗正蓋取重離麗正之義豹隱紀談揚誠齋詩天上歸來有六更蓋內樓五更柳鼓交作謂之蠍蟆更禁門方開百官隨入所謂六更也四朝聞見錄紹興初高宗建行闕於鳳山之中林木翁如鴉以千萬噪鳴聒天高宗在汴無山未嘗聞此至則大駭命內臣張去為領脩內司諸兒聚彈射而驅之臨平赤崖間未幾復如初又云東南之俗以養鵝為樂內侍畜之尤甚寓金鈴於腰風力

振鈴鏗如  
雲間之珮

景靈恭謝駕初回帽挿宮花繡作堆除目傳宣休覆奏  
昨宵齋殿降恩來

隨隱漫錄景靈恭謝駕回宰相以下皆簪花學詩  
初集觀景靈宮恭謝詩云不比常朝添覆奏報來除  
日十餘家自注常朝除日覆奏而後出劄惟齋宮  
免案景靈宮在錢唐門內北即今演武場地

渡江以後說繁華非復唵梅處士家堤上風開及第柳  
山中春到狀元花

藏拙餘藁春日湖上詩飛鷗鳴鑼鼓吹喧繁華應勝  
渡江前吟梅處士今還在肯住孤山爾許年雪巖

喻卷湖上春晴詩楊柳也如新及第向人爭舞綠羅衣  
咸淳臨安志徐清叟淨明院和御製詩衝凍細

尋梅信息枝頭

喜見狀元花

貌取湖山玉色愉蕭郎絕筆院中無調鉛殺粉經營極

勅寫天家瑞應圖

清客居士集蕭照江山圖詩蕭郎解作湖山圖上皇  
一見玉色愉清河書畫舫蕭照中興瑞應圖前後

凡六  
卷

進御麋丸妙手供旨教小米搗雙龍輕煤第一黃山產

赦却蒼蒼九里松

老學菴筆記紹興間復古殿供御墨新安戴彥衡所  
造自禁中降出雙角龍文或云米友仁侍郎所畫也  
中官欲於苑中作墨竈取西湖九里松作煤彥衡  
力持不可曰松當用黃山所產此平地松豈可用

柳色青青食已寒香車菜市客爭看紅亭醋庫橋東佳  
心似桃花一樣酸

武林舊事清明前三日婦人淚妝素衣提攜兒女若  
玉津富景御園包家山之桃鬪東青門之菜市尼菴  
道院尋芳討勝極意縱遊咸淳臨安  
志紅亭醋庫在菜市橋東街南面北

秘省蓬壺儼帝居風籤萬軸獻來初牆西措大窮寒甚  
只讀江東陸氏書

中興館閣錄秘書省蓬壘碑起居舍人木待問書  
揮麈前錄太上南渡詔獻書補官者凡數人秦熈提  
舉秘書省奏請命天下專委守臣又有旨錄會稽陸  
氏所藏書上之今中秘所藏之書亦良脩矣 夷堅  
志乾道初內侍陳源居在秘書省東連牆起樓樓下  
築臺每宴客張樂必於其處有閩士獻書警之曰宅  
西正是三館職多窮寒措大羨人富貴於  
心常以弗堪或能害我是後遂不復至

東閣芬氲裏綺羅雲頭香法本宣和如何張趙為官日  
卓英胭脂用不多

齊東野語宣和時常造香於睿思東閣南渡後如其  
法製之所謂東閣雲頭香也 老學菴筆記高宗在  
徽宗服中用白木椅子錢大王入覲見之曰此檀香  
椅子耶張婕妤掩口笑曰禁中用胭脂卓英多相公



已有語更敢用檀香作椅  
子耶時趙鼎張浚作相也

尊為隆祐過江年黑竹輿中后諭傳一自苗劉多事後

都人總戴孟家蟬

揮塵後錄昭慈孟后紹聖三年以使令為襍禴之法  
詔徙處道宮思陵中興尊為隆祐太后孟后祖名元  
易元為隆字 又云苗劉兵殺內侍脅制上為內禪  
之事太后乘黑竹輿宣諭以上仁孝曉夕思念二聖  
欲復讐雪恥大尉等皆名家不須如此 可談孟后  
衣服畫作雙蟬目為孟家蟬識者謂蟬有禪意久之  
竟廢 白石集觀燈口號遊人總戴孟家蟬爭託  
星毬萬眼圓闌裏傳呼大官去後車多少盡蟬娟

築球吹笛共流離中瓦鉤闌又此時檀板一聲雙淚落

無人知是李師師

汴都平康記政和間汴都平康之盛而李師師在念月二妓名著一時李生門第尤峻靖康中李生與同輩趙元奴及築毬吹笛袁絢武震輩例籍其家李生流落來浙中士大夫猶邀之以聽其歌然憔悴無復

向來之態矣 白獺髓中瓦前娼

戶李博士 案中瓦通後市街

硬雨分明似李梅無端太學瓦皆推儒官諱道天飛電  
祭酒應為捕酒來

軒渠錄紹興十七年五月臨安大雨雹太學屋瓦皆碎儒官申朝廷不可言雹稱硬雨 清波雜志紹興間張扶少持改國子祭酒時祭酒虛位亦久前駙接呼赴監供職學前居民驚懼曰官來捕私酒傳以為

笑

錦標裝池數榷場百花樓閣五文章駕衾官庫留遺物

隱約風懷記蜀王

輟耕錄高宗渡江後榷場購求為多錦標如克絲作樓閣百花攢龍五色簾文之類又云孟蜀主一錦被一梭織成被頭作二穴如雲版樣此之謂駕衾也楊元誠太史言兒時聞尊人樞密公於宋官庫親見之

沈家丞相起書樓滿地香雲五體投猶勝申王格天閣

十眉環侍淪茶甌

三柳軒雜識沈丞相該為樓貯書時禮佛其上人謂  
之五體投地之樓以對秦檜一德格天之閣清波  
襟志朱伯箕為秦伯和侍郎壽詞咸瞻格天閣見  
十眉環侍爭鳴絃索茶甌試淪更良夜沉沉細酌

籠袖嬌饒嬾不勝琵琶槽面撥輕冰趙家小景佳山水

畫上春衣雪色綾

太平清話錢唐宋行都男女尚嫵媚號籠袖驕民  
畫繼紹興間一時婦人服飾及琵琶箏面所作小景

山水實倡  
於趙士遵

傾國名花一首詩御前草聖墨淋漓芙蓉玉貌描漆綾

休遣君王怒淨師

遊名山記臯亭山廣嚴院僧淨師紹興初被召作草  
首書名花傾國兩相歡宋主不悅賜罷 子素集高

宗二劉妃圖詩秋風落盡故宮槐江上芙蓉並帶開  
留得君王不歸去鳳凰山下起樓臺 繪事備考尚

衣夫人劉氏畫用奉華堂印有宮  
衣漆綫圖枝卜圖補袞圖宮綉圖

小雨春寒白晝長杏花紅遍錦旆廊熏爐巧樣姜娘子  
細灸龍涎幾品香

居易錄南宋姜娘子善鑄銅器 佩楚軒客談浩然  
齋有古龍涎香自復古睿思東閣瓊英勝古清觀清

燕閱古以  
下几數品

東朝鑾馭朔方歸南面方知樂事稀可惜岳將軍不見

# 深宮只著道家衣

二老堂襟誌紹興十二年太母還宮上曰朕自東朝之歸方知南面之樂中書舍人程敦厚行太后姪女帝氏十娘封郡夫人制全用上語七脩類藁帝太后北歸至臨平因問何不見大小眼將軍耶人曰岳飛死獄矣遂怒帝欲出家故終身在宮中道服也

# 花市爭先競買栽朱門尤貴看新梅錢唐湖上春風蚤 九月疎花對菊開

石湖梅譜錢唐湖上早梅花子嘗重陽日親折之有橫枝對菊開之句行都賣花者爭先為奇寘浴室熏蒸令拆強名蚤梅終瑣碎無香

硯童侍立太師窻夙構佳文未易降貢院無煩戴羞帽  
紫綾冊裏士無雙

朝野遺紀程敦厚子山為中舍時秦檜善之一日呼  
入內閣坐候終日獨案上有紫綾標一冊書聖人以  
日星為紀賦未有類貢進士學生秦墳呈文采艷麗  
子山兀坐靜觀幾成誦及晚竟不出乃退子山叵測  
也及數日差知貢舉乃大悟以此命題乃孫果首選  
老學菴筆記秦太師第中窻上下及中一二眼作  
方眼餘作疎橋謂之太師窻 夢梁錄知貢舉主文  
官皆戴羞帽乘馭赴觀橋貢院 三朝北盟會編檜  
小奴硯童  
婢興兒

方響敲殘事可驚玉堂天子出青城傷心祭了紅鸚鵡

# 無復重呼萬歲聲

外史徽宗是玉堂天子不聽玉皇說法謫降人間  
楓窻小牖高宗在建康有大赤鸚鵡自江北來集行  
在承塵上口呼萬歲足有小金脾有宣和二字因以  
索架置之比上膳草草無樂鸚鵡大呼卜尚樂起方  
響久之曰卜娘子不敬萬歲蓋道君時掌樂宮人以  
方響引樂者故猶以舊格相呼高宗為罷膳泣下後  
此鳥持至臨安忽死高宗親為文祭之云金距絳囊  
何意朱紫乘軒駭散纏羅鬪死不遠長江來自汴水  
匪飢則附曰忠自矢謝跡雲端投身禁裏每呼舊人  
以勵近侍禽言若斯鳥官誰似云胡委羽歸魂鷄尾  
借號有鳥來朝無雉漸  
肯為儀歷仍輝紀尚饗

東青門外九宮壇歲歲明禋走從官記取石湖齋宿句



窻風隙月不勝寒

徐一夔宋行宮考九宮貴神壇在東青門外一里  
石湖集次韻尹小稷察院九宮壇齋宿詩草草馳三  
里蕭蕭共一餐吏方綿禮叢公自將詩壇隙月窺牀  
近窻風刮坐寒鴉鳴未忍散端為合并難方輿勝  
覽九宮貴神太乙攝提軒轅招  
搖天符青龍咸池太陰天一

說史堪嘲王與之舌端今古盡傳疑一時煙粉偏忺聽  
鐵騎兒兼銀字兒

白獺隨行都紹興間有三市井人好談今古謂戚彥  
樊屠尹昌也彥乃皇城司快行屠乃市肉昌乃傭書  
有無名人賦詩曰戚彥樊屠尹彥時三人共坐說兵  
機欲問此書出何典昔時曾看王與之與之乃說書

史人 都城紀勝說話有四家銀字兒謂  
煙粉靈怪傳奇鐵騎兒謂士馬金鼓之事

尚食遂供泛索并繡紅巾上合衣擎餛飩不熟伶官進

棘寺應推丙甲生

夢梁錄大內進膳有紫衣捲脚幞頭者謂之院子家  
托一合用黃繡龍合衣籠罩左手攜一條紅羅繡手  
巾進入若非時取喚名曰汎索 霏雪錄宋高宗時  
饗人淪餛飩不熟下大理寺優人扮兩士人相貌各  
問其年一曰甲子生一曰丙子生優人告曰此二人  
皆合下大理高宗問故優人曰餛飩子餅子皆生與餛  
飩不熟者同罪耳  
上大笑赦原饗人

蠻王獅子綴來齊九日花糕最可題狎客陳詞天一笑

孟嘉陶令一身泥

武林舊事九日菊糕為蠻王獅子於上 詞苑叢談  
康伯可附會秦檜求進為十客中之狎客專應制為  
歌詞重九遇雨奉敕口占望江南云茱萸胖菊蕊濕  
滋滋落帽孟嘉尋箬笠休官陶令覓蓑衣兩箇一身  
泥上  
大笑

春來湖上兩高峰  
滴粉搓酥夢裏逢  
修態橫生花誥筆  
此詞應是為張穠

詞綜王仲言云天台左譽與言策名之後錢唐幕府  
樂籍有名姝張芸女名穠色執妙天下君頗顧之如  
帷雲翦水滴粉搓酥皆為穠作後穠委身立勳大將  
家易姓章疏封大國紹興中覓官行闕訪西湖兩山

間忽逢車輿甚盛中覩一麗人褰簾顧君而顰曰如今若把菱花照猶恐相逢是夢中君醒然悟入即拂衣東渡一意空門清波雜志嘗得一誥詞云朕春禮勲臣既極異姓王之貴疏恩私室并侈如夫人之榮以爾修態橫生芳性和適云云紹興間權外制某人行三朝北盟會編張俊妾張穠錢唐名妓也知書嘗代俊文字封榮國夫人

和議初成返使車御容收得向龍沙白龜池屋秋風冷  
手著叢書記禁花

兩浙名賢錄朱弁字少章婺源人高宗遣使問安兩宮為通問使十二年和議成始得歸獻金國所得六朝御容及宣和御書所述北方事狀秦檜沮之僅轉奉議郎未幾以疾卒於臨安府白龜池之寓舍朱

并曲洧舊聞木杳始禁中有數架花時民間得之相  
贈遺今則盛矣 夢梁錄白龜池在錢唐門裏沿城  
南

清脩尼寺靜焚香傳是中宮賜寶坊還有藕花洲畔女  
翠深不礙宿鴛鴦

咸淳臨安志清脩尼寺在崇新門外右軍寨前紹興  
間顯肅皇后建仍賜額 又云臨平山下有藕花洲  
即鼎湖也 夢憲丁藁題藕花洲尼扇  
詞翠深不礙鴛鴦宿采菱誰記當時曲

汝瓷古解秘深宮脩內司窰范更工提舉昨朝新進入  
青花不與外間同

梧溪集有宋高皇壽成殿汝瓷解引 輟耕錄南渡  
卻成章提舉於脩內司造青器名內窰模範極精油  
色瑩徹為

世所珍

閒看鷗飛下小池影妻倚妾況淒其服膺齋裏諸先輩

魁輔何由刻上碑

鶴林玉露太學蘊道齋前有小池忽一鷗飛下容與  
甚久一同舍生詩云昨夜雨餘春水滿白鷗飛下立  
多時 清波襟志紹興十三年再興太學呂榮義為  
上庠錄投進倡和詩有影妻倚妾語 林下偶談陳  
自強本太學服膺齋生既當國  
齋中為立碑刻魁輔二大字

南遷事事仿東都曾述江西詩派圖凍匠繞成山谷褐

臨安猶見典型無

竹坡詩話呂舍人有江西宗派圖自是雲門臨濟始  
分矣 揮塵後錄舊見黃太史所服絕勝時在臨安

呼匠染之始就

名曰山谷褐

玉練槌香破鼻聞薔薇露滑大瓢分御前漫賜黃封醞  
不及秦家有表勳

武林舊事諸色酒名薔薇露御庫  
玉練槌祠祭酒小史秦檜表勳

繫書錢要十分豐一閱書牆惱至公謝石空誇能拆字  
可憐身在討論中

容齋隨筆紹興初范覺民為相以崇寧來叛立法度  
例有泛賞建議討論行下吏部追奪雖公論當然而  
失職者浮議蜂起無名子改坡語云清要無因選舉  
艱辛繫書錢須要十分又云不如歸去作箇閒人免  
一回來一回討一回論大書貼於牆上邏者以聞朝  
議罷討論之舉 二老堂雜誌謝石善拆字徽宗特  
補承信即後因范覺民作相討論追奪印溥尚書第  
三子謂石我亦能拆字詰之則曰爾姓謝所謂身在  
討論之中名石則終身右選不能出頭也聞  
者大笑 夷堅志謝石紹興八年來臨安

層閣森沉白日閒敷文譏語豈難刪虎兒學士空供職  
憶否揮豪進楚山

媿郊錄紹興十年五月十一日內降詔曰恭惟徽宗  
皇帝宸章奎畫著在簡編崇建層閣以嚴寶藏恭以



敷文為名按典故凡建閣降詔必著閣之所以名如  
煥章建閣淳熙十五年詔曰載稽帝世之隆無越堯  
章之煥還考敷文則隱其義而無其辭及考雲麓漫  
鈔曰徽宗書閣曰敷文取誕敷文德於兩階七旬而  
有苗格以寓譏諷是時秦檜當國其無君之心不可  
不誅焉 畫繼米元章便殿賜對因上友仁楚山清  
曉圖友仁宣和中為大名尹被遇光堯官至工部  
侍郎敷文閣學士 案天章敷文諸閣皆在大內

東西馬海散如雲出格驂騶空一羣欲使廣南高薊北  
詔將牽付殿前軍

名馬記紹興七年五月廣右進出格馬十匹上留其  
一餘付殿前司曰馬之良者不必西北 夢梁錄吳  
越王牧馬於錢唐門外東西馬塍其馬蕃息號為馬  
海 又云殿前司在鳳凰山八蟠嶺有御書閣凝香

香堂整  
暇堂

侯門歌舞出都城無奈更衣訴此情但向小屏啼絳蠟  
輸他三傑蚤知名

夷堅志觀察使張淵紹興中以高價往都城買美妾  
二十人而御之甚嚴小過必撻嘗延客環侍歌舞中  
席淵起更衣坐客葉晦叔之側一姝最麗乘間語之  
曰恭人在太尉左右想大有樂處姝慘容不語指筵  
上燭云絳蠟分明會得齊東野語范石湖云朝士  
中姝麗有三傑謂韓无咎晁伯谷家姬及趙彥博家  
姬小瓊也近體樂府贈趙富文家姬小瓊詞見了  
還非重理霓裳舞都無誤幾年一遇莫訝周郎顧

花來瓊野玉光寒學士吟成傲熱官曉翦春冰送緹騎

一枝慶忌宅邊看

陳氏書錄解題瓊野錄一卷學士洪邁園池記述題  
咏曰瓊野者從維揚得瓊花植之而生遂以名圃  
留青日札南宋宦者陳源取瓊花孫枝接於聚八仙  
根上至今流傳杭褚家塘瓊花園是也地即春秋慶  
忌宅基 宋鄭覺齋揚州慢瓊花詞記  
曉翦春冰馳送金莖露濕緹騎星流

葉葉西風翠翦裁新涼氣味蚤相催金錢買得秋多少  
秋傍玉人雲鬢來

夢梁錄立秋日都城滿街叫賣楸葉婦女小兒翦如  
花樣插於鬢邊以應時序 竹屋癡語清平樂咏秋  
葉詞盤枝翦翠葉葉西風意吹上玉人雲鬢底無限  
新涼氣味飄蕭露葉烟柔絕憐不遂宮流寄語多情

宋玉悲秋  
得似宜秋

天街春暖酒如油爭上和豐豐樂樓銀甕呈祥都不解  
屏間瑞應待人搜

齊東野語中和和豐豐樂銀杓銀甕錢唐酒樓名  
野客叢書都下有銀甕酒庫或問何謂余考瑞應圖  
王者宴不及醉則銀  
甕呈祥蓋取此意

夜來歸夢月橫西東閣重窺路更迷傳語郎君新得意  
酒醒無奈曉鴉啼

能改齋漫錄汪彥章在翰苑屢致言者作點絳脣詞  
或問曰歸夢濃於酒何以在曉鴉啼後公曰無奈這

一隊畜生何 寓簡秦煇狀元及第汪彥章以啓賀  
會之有云三年而奉詔策固南宮進士之所同一舉  
而首儒科蓋東閣郎君之未有本求屬對之工而  
煇父子怒以為輕已彥章自此得罪羈置湖湘

德壽宮中撰冊新書厨尤氏最移人明朝上壽天顏喜

舞五花兒動酒鱗

貴耳錄德壽八十壽皇講行慶禮上尊號周益公當  
國差官撰冊楊誠齋尤延之各撰一本進呈壽皇以  
楊之文聲牙不若用尤之文溫潤 坦齋筆衡尤延  
之貫穿今古士大夫目為尤書厨 癸辛雜識德壽  
宮舞譜有五花兒  
雁翅兒龜背兒

雨過秋來禁苑西 述懷詩格未曾低 平生覽鏡雄心在

# 接骨時聞喚小嵇

庾溪詩話孝宗不忘中興之圖每形於詩詞如新秋  
雨過述懷云平生雄武心覽鏡朱顏在 兩浙名賢  
錄嵇清仁伯由汴扈蹕南渡世傳秘術壽皇躬騎射  
時有誤損應期而瘳宮中詔曰小小嵇正能接骨耶

# 西蕃名劔敵吳鉤賜出寒光凜素秋底事武臣要重賞

## 邊功漸近太平州

名劔記紹興六年二月右相都督張浚請降御前西  
蕃寶劔給賜有功將士 錢氏私誌隆興初賀子忱  
知樞密院有武臣陳理公賞稱累立戰功自宣和年  
第一次燕山府至紹興年第九次太平州謂朝廷推  
賞一次輕於一次賀正色云只為邊功  
一次近於一次武臣無詞聞者稱服

垂衣暇日沐恩波四角金龍押帕羅紅粉抹胸緋裹肚  
貴從御退賜宮娥

建炎以來朝野襟記乾道印報臨安府浙漕司所進  
成恭后御衣有粉紅紗抹胸正紅羅裹肚 癸辛雜  
識大臣家賜與帝后衣謂之御退衣服予  
妻舍有御退羅帕四角皆有金龍小印

鴛鴦飛處畫船橫白玉芙蓉兩朶生請看雙投橋下水  
有情爭得似無情

七脩類藁杭西湖南入路曰長橋宋誌俗名雙投昨  
讀元馮士頤竹枝詞曰請看雙投橋下水新聞兩朶  
玉芙蓉注云常有情人雙  
投橋下故長橋名雙投

甘園地占社壇多大尹忻然不柰何留與花時誇好景  
水亭四望客經過

玉照新志乾道中趙涇礪老尹臨安時巨璫甘昇有別墅在西湖惠照寺西地連郡之社壇昇欲取以廣其圃礪老忻然領命靜佳集辛亥二月望祭齋宮因遊甘園詩朝霏作雨連天濕花氣熏人到骨香四望水亭無正面有花多處背湖光案甘園在淨慈寺對

禁中丹桂月如銀猶有張掄一曲新霜滑玉堦行不得  
謫來蓮社作閒人

花菴絕妙詞選張材甫掄號蓮社居士多應制詞有臨江仙咏禁中丹桂夷堅志紹興末知閣門事張



掄赴後殿起居由隔門東溢道階趨下霜滑失足頓  
坐於地閣門職主朝覲彈奏臣僚失儀若本司官則  
自奏劾掄  
竟放罷

楊監朝天乍卸帆一官一集換頭銜蒲橋暇日攜孫子  
幼圃花窠手自芟

行都紀事楊誠齋名萬里為監司時巡歷至一郡郡  
守宴之官妓歌賀新郎詞以送酒其中有萬里雲帆  
何時到之句誠齋遽曰萬里昨日到守大慚監繫此  
妓瀛奎律髓注楊誠齋詩一官一集每一集必變  
誠齋朝天集幼圃詩序蒲橋寓居有刻方石而實  
以土者小孫子執花窠菜本其中戲名幼圃夢梁  
錄鹽橋東一直不通水旱橋名蒲橋按蒲橋  
為誠齋寓居此類甚多皆從來郡邑志所未備

三橋旅舍寂無譁揭榜嚴宵燭影斜響卜已占婆惜得  
試文莫是董公遮

夷堅志括蒼何湛叔存淳熙丁未赴省試館於三橋  
旅邸揭榜之夕遣僕探候久而不至有憂色因率同  
輩登橋聽響卜聞河畔婦人呼曰婆惜你得蓋吳人  
愠怒欲行打罵之詞俗謂之受記非吉兆也湛獨喜  
曰可賀我矣吾小名正為婆惜僕至果中前列坦  
齋通編淳熙丁未洪景廬知舉一考官大笑絕倒問  
之則云試卷中有用董公遮說漢王事以公遮為三  
老之名夢梁錄韓府南曰軍將橋次曰三橋子

僧到郊禪識御顏易安齋類虎丘山劈開溪石尋微徑  
窻外江光一抹間

二老堂襟誌易安齋溪石畫開髣髴虎丘之劍池但  
小耳上有數亭傍結小菴僅容膝自窻中望濤江際  
天如發雞甕也僧宗表年八十八上遇郊裡宿齋往  
往過之至今設御榻而皇城司遣親事官為閣者  
案易安齋在龍山郊壇  
側淨明院內近慈雲嶺

記得明堂舊例無誤宣鎖院噪宮烏紫霞帔接紅霞帔  
慶慶堪憐作受奴

玉堂襟記禁中以鎖院為重淳熙三年慶壽赦凡降  
麻官合加恩者用辛巳明堂例免鎖院九月三日中  
書進熟狀魏王愷恩平郡王璩永陽郡王居廣並加  
食邑只乞降付院草制內夫人失於詳閱宣鎖陳直  
院明日內批付密院典字直筆吳慶慶降充紫霞帔  
不令供職主管大內公事慶國淑懿夫人劉從信降

兩字夫人蓋懲其誤也 留青日札紅霞帔宋宮人  
品名紹興間如張頑兒馮十一娘張正奴劉翠奴之  
類又有紫霞  
帔王受奴

瑞石山隅帝式憑桃遷九室亦同升摩喉羅自平江進

### 原廟花樓又試燈

建炎以來朝野謀記太廟自仁宗以來皆祀七世崇  
寧初取王肅說謂二桃在七世世之外乃建九廟奉  
翼祖宣祖咸歸本室焉紹興中徽宗祔廟以與哲宗  
同為一世故無所桃及升祔欽宗始桃翼祖高宗與  
欽宗同為一世亦不桃由是淳熙末年太廟祀九世  
十一室及阜陵復土趙汝愚為相遂桃僖宣二祖而  
附孝宗有旨集議時朱子方在講筵獨以九廟為正  
中興小歷紹興十三年景靈宮成祖宗神御自溫

州來至是達於行在乃詣天章閣告遷徽宗及恭顯  
恭肅二后神御乙未並奉安於景靈宮四孟躬行獻  
禮上元結燈樓寒食設鞦韆七夕設摩睺羅方輿  
勝覽平江府土人工於泥塑所造摩睺羅尤為精巧  
湖蟹年年出葑田吳閭八跪進尤鮮不須將相矜雄畧  
茅店青旗認鞠天

隨隱漫錄姑蘇守臣進蟹應制程奎草批答云新酒  
鞠天維其時矣上曰茅店酒旗語豈王言耶令陳藏  
一擬聞先臣援筆立成畧曰內則黃中通理外則戈  
甲森然此卿出將入相之象也上乃悅 咸淳臨安  
志西湖葑田產蟹  
土人謂之湖蟹

富景園開聚景同宸遊風物冠城東百花池上花多少

直到升仙橋外紅

禁偏園有集芳慶樂聚景玉津玉壺富景翠芳並在  
杭 都城紀勝城東新開門外有東御園今名富景  
園 七脩類藁東花園宋之富景園也內有百花池  
相傳舊矣今園前民家之後尚存大池孝宗嘗奉太  
后幸此板兒巷名白花蛇散巷乃百花池上巷也  
咸淳臨安志富景園規制畧仿湖山 又云升仙橋  
富景  
園前

面赤知卿酒戶廉小春茶味亦清恬重華宮裏他年宴  
滿席無多汎綠籤

玉堂雜記淳熙丁酉十一月壬寅必大輪當內直上  
曰卿想不甚飲比賜宴時見卿面赤賜小春茶二十

鈐葉世英墨五團以代賜酒 經鉏堂襟志壽皇坐  
側有一牙籤筒凡二十半白半綠酒樽至出白籤斟  
止半杯出綠籤則滿汎一席  
之間用綠籤止二三而已

青兕雄姿剩一錢晚年空看綠苔圓呂婆名徹楓宸聽  
弱女釵分劇可憐

宋史辛棄疾在耿京軍中僧端義竊印以逃辛追獲  
之義端曰我識君相乃青兕也力能殺人幸勿殺我  
辛斬其首歸報京 稼軒長短句侍者阿錢將行賦  
錢字贈之云杜陵正好事留得一錢看又云從今花  
影下只看綠苔圓 貴耳錄呂婆即呂正己之妻淳  
熙間名達天聽京畿有二漕一呂措一呂正己措家  
諸姬甚盛必約正己通宵飲呂婆一日大怒踰牆詈  
之措子一彈碎其冠事徹孝皇兩漕即日罷呂婆有

女事辛幼安以微事觸怒遂之今稼軒桃葉渡詞因此而作按稼軒祝英臺近有寶釵分桃葉渡烟柳暗南浦之句

天淨紗幘薄似雲冷泉堂下翠涼分君王欲識民間事

金合朝封豹脚蚊

咸淳臨安志紗有天淨紗齊東野語壽皇語崇王曰聞湖州多蚊果否後侍宴因以小金合貯豹脚數枚進之

東觀峩峩尺五天硯儲百九潑雲煙汴京公相無遺物  
七庫青緗值幾錢



硯箋祕閣硯高宗御押鄭亨仲詩石渠東觀天尺五  
右文儲硯一百九今所見七十五耳 建炎以來朝  
野襟記中興館閣書目淳熙中所脩也高宗渡江書  
籍散失紹興初有言賀方回子孫鬻故書於道者上  
命有司市之洪王父為少監建言燕湖僧有蔡京所  
寄書籍因取之以實三館五年九月大理評事諸葛  
行仁獻書萬卷於朝詔官其一子十三年初建祕閣  
又命卽紹興府借故祕閣陸賓家書繕藏之賓農師  
子也 夢梁錄祕書省經史諸子書籍凡七  
庫 按祕省藏書始末此段視揮塵錄較詳

菴酒店前楊柳風碧香酒煖十分空舞兒二八腰身小  
染就春衫不肯紅

都城紀勝菴酒店者謂有娼妓在內而於酒閣暗藏  
卧牀也 天下酒名記杭州有碧香咸淳志碧香庫

在西橋東老學菴筆記紹興末練帛有一等似阜而淡者謂之不肯紅亦退紅之類也

垂髻妙女綠髮鬢獨對經書四十三從此閨襜為進士

淳熙省榜作新談

留青日札淳熙九年女童林幼玉求試經書四十三件並通時年一十二歲賜為孺人或云林妙玉賜為進士  
進士者林妙玉也  
丹鉛總錄女

籥冠長笛最矜奇一曲惟將項下吹比似盧郎倚樓處  
沙河塘上少年時

遊宦紀聞沙隨先生項於行在見一道人以笛挂項下吹曲其聲清暢而不近口竟不曉所以然  
夢憲

甲藁醉桃源贈盧長笛詞沙河塘上舊游嬉  
盧郎年少時一聲長笛月中吹和雲和雁飛  
驚物換歎星移相看兩鬢絲斷腸吳苑  
草萋萋倚樓人未歸

不因馴象外藩通誰識臨安假國忠齒冷  
虛無新拜號

太師竹倚一枝紅

白獺髓寧宗恭淑后上仙而曹氏為婕妤  
平原特以為親屬偶值正里富國進馴象  
至平原語公瑾曰不聞有正里富國公瑾  
曰如今有假楊國忠朝野遺紀婕妤曹氏  
姊妹通籍禁中皆為女冠賜號虛無自  
然先生者左右街都道錄者皆厚於韓侂  
胄或謂亦與之暱圖繪寶鑑韓平原自寫  
琅玕大葉號太師竹

蕭閒日誦度人經管領南湖尚典型詩客何妨原將種  
冰茹雪食髮星星

武林舊事張鑑桂隱百果云南湖則管領風月北園  
則燕賓娛親又云都徽別館誦度人經處四朝  
聞見錄鑑預史彌遠議誅韓侂胄史以韓為大臣且  
近戚未有以處鑑曰殺之足矣史退謂錢象祖衛涇  
曰正將種也楊誠齋贊張功父像云門有朱履坐  
有桃李一何佳公子也冰茹雪食瑠碎月魄又何窮  
也詩客

淺色衫裁艾虎紗鬢邊千葉試榴花催教馬遠圖宮扇  
意思山前賞物華

宋寧宗楊后宮詞一朶榴花插鬢鴉君王長得笑時  
誇內家衫子新番出淺色新裁艾虎紗 夢梁錄榴  
花有千葉者 吳師道禮部集仙山秋月圖宮扇馬  
遠畫 武林舊事端午先期學士院供帖子禁中排  
當例用朔日謂之端一設天師艾虎意  
思山子數十座巧粽結為樓臺舫輅

詩人正樂是姜夔私篆鷹揚與鳳儀一擔琴書留水磨  
秋聲夜夜故鄉思

白攬髓慶元間士人姜夔乞正奉常雅樂 雲煙過  
眼錄姜堯章有鷹揚周郊鳳儀虞廷印甚奇 吳夢  
窻詞藁姜石帚館水磨方氏 武林舊事水磨頭近  
石函橋 白石集湖上寓居詩荷葉披披一浦涼青  
蘆葉葉夜吟商平生最識  
江湖味聽得秋聲憶故鄉

水仙廟下水連天，佩玉裁冠像宛然。  
喚取雪篷煙艇子，任他豪貴占頭船。

咸淳臨安志：袁韶水仙王廟記：裁冠佩玉，乘風戴雲，相羊於水月倒影之中，仙有靈，宜不宜耶？清波雜志：項年西湖所置船舫，如汎星槎，凌風舸，雪篷烟艇，扁額不一。霞外集：西湖春日壯遊詩：豪家遊賞占頭船，翹得風輕放紙鳶。

平原省吏史梅溪侍從申呈勢莫齊，不道清才工樂府。  
泉綃織就粉牋題。

四朝聞見錄：蘇師旦既逐，韓侂胄為平章，專倚省吏史，邦卿奉行文字，擬帖擬旨，俱出其手，權炙搢紳侍。

從東札至用申呈 張功父史梅溪詞序  
史生之作情詞俱到纖縞泉底去塵眼中

白首脩書局正開洞微能識我重來一囊粟抵十壺酒

自有蓮花博士才

詞統陸放翁之出也韓平原招致之一夕夢故人相  
語曰我為蓮花博士鏡湖新置官也我去矣君能暫  
為之乎月得酒十壺亦不惡也遂以詩紀之云白首  
歸脩汗簡書每因囊粟歎侏儒不知月給十壺酒得  
似蓮花博士無 老學菴筆記予去國  
二十七年復來惟賣卜洞微山人無恙

書學官家筆勢騫楊家妹子最承恩偷從琴鶴圖中見  
嫵媚清詩粉指痕

書史會要楊妹子楊后之妹書似寧宗馬遠畫多其所題語關情思人或譏之真蹟日錄楊妹子題劉松年琴鶴圖詩清獻先生無一錢故應琴鶴是家傳誰知默鼓無絃曲時向珠宮舞幻仙

特祠太乙留瓊館小著危亭綠樹間佳氣葱葱誰與辨

### 武林山是虎林山

學詩初集東太乙宮即事詩綠陰深處着危亭佳氣葱葱王武林一片紅塵飛不入杜鵑啼處白雲深自注宮後有亭乃武林山七脩類藁虎林即今祖山寺宋東太乙宮之山也不知者改虎為武宋樓攻媿詩云武林山出武林水靈隱後山母乃是此山亦復用此名細考其來正有以從來有龍必有珠此雖培塿千山餘四朝聞見錄云虎林即靈隱山因避唐諱改名武林楊正質又謂錢氏有國時此山在郭外異



虎出焉故名吳音訛虎為武耳據三說惟楊為是若以避唐諱則漢志已名為武林矣又晏元獻輿地志云武林山錢唐泉所自出此可見武林自是靈隱而虎林之地又豈有泉之可出耶

鸞綃閒引玉津遊正值南郊祀事脩丙夜宓妃先犯戒  
却將聖像拜盤溝

朝野遺紀光廟郊宿青城李后復至玉津行園亦犯玉女宓妃之戒常居聽輿蘇州承天寺有神曰盤溝大聖光皇嘗宣像入內賜僧牒

宜男圖子李家描蜨戲長春撲扇綃為愛鞠花香五月  
草蟲勾出雨珠跳

書畫彙考南宋畫院李從訓有宜男圖馬麟有美人撲蝶蝶戲長春合卷石湖鞠譜五月鞠花心極大

每枝只一花近年院體畫草蟲喜以此鞠寫生

三朝御裏陳忠翊四世儒醫陸大丞指點賀家酥樣好

合將扁榜一時稱

老學菴筆記大駕駐蹕臨安故都及四方士民商賈輻輳又初立官府扁榜一新好事者取以為對曰鈴轄諸道進奏院詳定一司勅令所王防禦契聖眼科陸官人遇仙風藥乾濕腳氣四筋丸偏正頭風一字散三朝御裏陳忠翊四世儒醫陸大丞東京石朝議女婿樂駐泊藥鋪西蜀費先生弟子寇保義卦肆如此凡數十聯都城紀勝都下買物競趨有名之家如望仙橋糕糜後市街賣酥賀家

草菴舊住萬松嶺能畫惟將畫出家月黑山深鬼吹火  
筆頭力便可驅蛇

攻媿集釋智融俗姓邢以醫入仕南渡居臨安萬松嶺號草菴邢郎中官至成和郎年五十棄官謝妻子祝髮靈隱寺人不知其能畫山深多蛇忽作二竒鬼於壁一吹火向空一蹋蛇而掣其尾蛇患遂除

七寶山頭一俊人侍郎橋識舊京臣誰知竹暗雲深處  
更著梅亭句絕塵

揮塵三錄明清厠迹踣路假居於臨安之七寶山俯仰顧盼聚山林江湖之勝於几案間前錄云徐五丈敦立為貳卿明清偶訪之坐間問曰度今此居侍郎橋何耶明清即應以仁宗朝郎簡杭州人以工部

侍郎致仕居此里人德之遂以名橋兩朝國史本傳  
字簡之王荆公有寄郎簡之詩敦立大喜曰博聞如  
此可謂俊人矣 四朝聞見錄陳謙三茅觀梅亭詩  
竹密不知雲欲雨山高盡見水朝宗繼是無有和者  
按三茅觀在七寶山 隨隱漫錄云紹興初以牛  
鼎賜三茅觀內有銘乃宋孝武孝建元年八月二日  
作西湖志以為漢建元鼎誤  
敦立名度作却埽編

西湖衣鉢幾人傳長繞梅花拜墓田為問孤山林處士

可曾一世對花眠

雪巖吟卷讀林可山西湖衣鉢詩梅花花下月黃昏  
獨自行歌掩竹門只道梅花全屬我不知和靖有仍  
孫 升菴詞品林君復宋史謂其不娶無子然林洪  
著家山清供言先人和靖先生云云蓋喪偶後遂不

娶耳 按

洪字可山

荷花萬柄倒池心  
小水晶宮望更深  
詩思只宜生此處

雲山卷畫地銷金

四朝聞見錄白洋池在田家橋側芰荷渺然鷗鷺襟集號小水晶宮老學菴筆記紹興中有貴人好為

俳諧詩如錄樹帶雲山卷畫斜陽入竹地銷金

江湖集列幾名家陳道人詩頗足誇攤向睦親坊畔賣

相公語禁累梅花

瀛奎律髓注寶慶初史彌遠專權之際錢唐書肆陳起宗之能詩凡江湖詩人皆與之善宗之刊江湖集

欽定四庫全書

南宋樵事詩

五

以售劉潛夫南岳彙與馮宗之詩有云秋雨梧桐皇  
子府春風楊柳相公橋哀濟邸而謂彌遠也或嫁秋  
雨春風之句為教器之作言者并潛夫梅詩論列劈  
江湖集板二人皆坐罪而宗之坐流配於是詔禁士  
大夫作詩紹定癸巳彌遠死詩禁始解潛夫為病後  
訪梅絕句云夢得因桃却左遷長源為柳忤當權幸  
然不識桃并柳却被梅花累十年又云陳起睦親  
坊開書肆自稱陳道人按睦親坊即今杭城弼教  
坊

小隊宮妝候蚤朝石中靈鵲噪聲遙綰成不落新翻髻  
裏就春趺上馬嬌

玉芝堂談薈宋穆陵宮中有靈鵲石石中有鵲每天  
將旦咸聞噪聲 妝臺記理宗朝宮妃梳高髻於頂

曰不走落 說略理宗朝  
官妃東足織直名快上馬

兩湖勝槩得佳名飲綠亭前春水生好是上頭天氣近

燕簾柳戶作清明

范石湖集李暈知縣作亭西湖予用東坡語名曰飲  
錄遂為勝槩 夢梁錄清明節凡官民子女未冠笄  
者以此日上頭 史梅溪飲綠亭  
詞有柳戶清明燕簾寒食之句

和寧門內敞樓臺甲第初綠貴主開細草林花猶道遠  
內人遣自兩宮來

柳待制集右開元宮圖一卷本宋理宗女周漢國長  
公主第在杭州清湖橋西第成於景定辛酉公主實

以是年下嫁駙馬都尉楊鎮初理宗無子度宗自福  
却入正儲貳而謝后女獨有公主兩宮殿所鍾愛有  
司希旨為治第帷帳供御下乘輿一等居半歲猶以  
速掖庭更卜和寧門內東穿堦垣為直道內宮宮婢  
朝夕通饋問而是賜第在清湖者惟居楊氏母句  
曲外史集題周漢國公主甲第圖詩主家樓觀蔚參  
差想是當年全盛時宮草細分乘輦道林花深隱汎  
舟池瑤臺仙去塵生海甲帳神來風滿旗好在畫圖  
留勝蹟五雲長護鶴笙祠咸淳臨安志崇恩寺惠  
順賈妃攢所周漢國端孝公主附焉公主妃所出按  
此與柳說不同

斫竹為棚翠動搖行都也學借元宵鮎燈珠網交垂處  
傀儡先裝獨自喬



清夜錄理宗淳祐三年京尹趙節齋預借元宵十二  
月十四日諸巷陌橋道皆編竹為張燈之計 武林  
舊事燈品魴燈則鏤犀珀玳瑁以飾之珠子燈則以  
五色珠為網下垂流蘇 又云大小全棚傀儡有喬  
三教喬迎親喬師娘喬宅眷獨自喬  
之類 案前此徽宗有預借元宵事

清霽亭前宴賞時盼兒歌韻裊遊絲官家不解閒愁悶  
休唱尋尋覓覓詞

李社陳盼兒傳庚申八月太子請兩殿幸本宮清霽  
亭賞芙蓉木樨韶部頭陳盼兒捧牙板歌尋尋覓覓  
一句上曰愁悶之詞非所宜聽可令陳藏一撰一卽  
景快活聲聲慢 隨隱漫錄度宗令製桂詩秋桂庭  
前霽影涼萬重深翠護深黃恭迎  
兩殿臨清賞壽暉濃浮月殿香

水月仙人半面妝浴堂門外見徐孃郎君可是無金屋  
畫取湖山近卧牀

蔣捷竹山詞傳巖隱木如武林納浴堂徐氏女子於  
客樓其歸也亦貯之所居樓上圖西湖景於壁詞有  
水月仙人院宇到處  
有西湖如鏡之句

捲地霜風蒂盡枯淺斟低唱應開爐羅幃小釘金泥密  
紅入麒麟醉倩扶

夢梁錄十月朔貴家新裝煖閣低垂繡簾淺斟低唱  
以應開爐之序 歸愚詞西江月咏開爐云風送丹  
楓卷地霜乾枯蒂鳴溪獸爐重展向深閨紅入麒麟  
方熾翠箔低垂銀蒜羅幃小釘金泥笙歌送我玉東

西誰管瑤  
華舞砌

何當不吠犬成群日稅漁船扇寇氛因有宵衣難畫錦

### 白麻紅燭敕稿文

古杭襟記寶祐乙卯丁大全除司諫陳大方除正言  
胡大昌除侍御天下目為三不吠之犬清夜錄開  
慶元年丁大全當國江鄂二郡守規例每一漁船日  
稅五千漁人不堪命遂渡北兵入寇鄂渚八月起復  
舊相吳履齋宅左揆直院洪魯齋芹草麻制云予方  
重宵衣之憂汝不以畫錦為樂入趨延英之召亟奉  
天章  
之咨

花樣連枝放杏桃街頭青紙價爭高袖中自具南宮手

波撇紛紛落剪刀

志雅堂襟鈔向舊都天街有翦諸色花樣者極精妙  
隨所欲而成又中瓦有俞敬之者每翦諸家書字皆  
專門其後忽有少年能衣袖中翦字及花朵之類更  
精於二人於是獨擅一時誠齋集翦字吳道人翦  
李義山經年別遠公詩用青  
紙翦字作米元章體逼真

清湖河水貫城流載酒船通屋後頭移得癖齋雞犬住  
唸詩破却一生愁

咸淳臨安志高九萬喜杜仲高移居清湖詩笑移雞  
犬入城居無復遊從歎閣疎河水通船堪載酒桐陰  
近屋可脩書飯香休憶辛田米羹美何慚丙穴魚我  
亦買山湖上住斲芹時擬貢園蔬按杜旃仲高金華

人有癖齋集 夢梁錄清湖河自府治前淨因橋過  
閘轉北由渡子橋合湧金池水流至清湖橋衆安橋  
與市  
河合

喬相無兒晚秉鈞上梁文語亦酸辛見滄閣上聞簫鼓  
濕雪明燈作好春

齊東野語喬行簡嘉熙末自相位拜平章軍國重事  
年八袞矣作上梁文云有園有沼聊為卒歲之謀無  
子無孫盡是他人之物 絕妙好詞翁元龍雪霽登  
吳山見滄閣聞城中簫鼓聲水龍吟詞有街聲暮起  
塵侵燈戶月來舞地之句 按吳山石龜巷內寶奎  
寺宋相喬行簡故第後捨為寺有理宗書見滄二字  
勒之崖石此田叔禾西湖志所載不知捨宅由於無  
子且曾有見滄閣也翁詞全首佳絕想叔禾未寓目

故不采  
入耳

西湖詩客習難除多挾中朝閣匾書笑殺壺山老居士

竟勞秋壑搆華居

瀛奎律髓注慶元嘉定以來乃有詩人為謁客者千  
求一二要路之書謂之闕匾副以詩篇動獲千萬緡  
如壺山宋謙父自遜一謁賈似道獲楮幣二十萬緡  
以造華居是也錢唐湖山此曹什伯為羣阮梅峰秀  
實林可山洪孫花翁季蕃高鞠礪  
九萬往往雌黃士大夫口吻可畏

簿錄平原故物空著庭竹石屬蘇公文山二十魁天下

獨重邦人學二忠

鶴林玉露東坡謫儋耳道經南安於一寺壁間作叢  
竹醜石甚奇韓平原當國剗下本軍取之守臣以紙  
糊壁全堵脫而龕之以獻平原置之閱古堂中既敗  
籍其家壁入秘書省著作之庭 漚曝談餘寶祐年  
登科錄第一甲第一名文天祥字宋瑞小名雲孫小  
字從龍年二十 文山集道山堂瞻御書詩著庭更  
有邦人筆稽首承休學二忠自注云著  
作之庭乃胡忠簡公書周文忠公立

閣門贊拜盡宮嬪花外流鶯誤達晨春夏秋冬書月日  
釀成別是一家春

隨隱漫錄會寧郡夫人昭儀王秋兒順安俞脩容新  
興胡美人永陽朱梅兒資陽朱春兒高安朱夏兒南  
平朱端兒東陽周冬兒順政石潤兒高平周賽兒通  
化聞潤兒潯陽陳宜兒胡安化沈咸寧黃新平皆上

所幸也初東宮以春夏秋冬四夫人直書閣為殿親  
王能屬文為尤親王非以色事主度皇亦悅德者也  
通鑑輯畧度宗既立耽於酒色故事嬪妾進御晨  
詣閣門謝恩主者書其月日及帝之初一日謝恩者  
三十餘人 武林舊事亭名別是一家  
春度宗初卽或謂非佳識也未幾果驗

六和寺塔俯江濶萬佛千燈出綠陰喜得神童能偶句

青衫嘗從翠華臨

兩浙名賢錄柴蒙亨長臺人以神童聞端平二年初  
赴省從幸六和寺上指塔云一塔七層八面萬佛千  
燈蒙亨應聲云孤舟  
雙槳片帆五湖四海

奕棋待詔總新僉方罫文楸巧藝兼何似宮中玉棋子



似將漏水逐時添

武林舊事棋待詔鄭日新等 徐文長別記度宗朝  
宮中有十二玉棋子上有十二時字置盆水中逐時  
浮出不  
差畧刻

藥洲遺墨已無倫壑相蘭亭更絕塵正是樊襄多事日  
只留勇爵付斯人

志雅堂雜鈔廖瑩中羣玉號藥洲刻陳簡齋姜堯章  
任希逸盧柳南四家遺墨十三卷賈師憲命王用和  
翻開定武蘭亭三年而成酬以勇爵幾與定本相  
亂 芸窻詞張梁作也中多壽賈相詞稱為壑相

畫扇宸書進壽筵珠衣玉笏禮難全須從福邸投虹處

記取銅華洗日年

淵頴集宋度宗御書福王慶壽宮扇詩漢家諸侯奉  
大統會稽故印王封重歲周甲子壽筵開賓客滿堂  
宮扇來掖庭嬪御侍圖史聖筆遼巡鸞鳳似清風外  
撲龍阜花明月中涵鏡湖水南國為家日已微禮官  
考禮是耶非前殿君臣朝玉笏後官父子曳珠衣  
夢憲甲篆宴清都壽榮王夫人詞云長虹夢入仙懷  
便洗日銅華翠渚 癸辛雜識福王次子黃氏所生  
即紹陵也黃氏封隆國育聖夫人 按度宗父福王  
與芮為理宗之弟皆榮王子也理宗無子度宗  
入繼大統田志云度宗理宗同母弟也訛甚

聞帥才長未足多稱心無賴轉橫波閨燈實錄風流筆

能殺漳南賈八哥

三朝野史賈似道闔才有餘相才不足又云以元老之尊眉與賤娼潘稱心褻狎姑蘇志鄭虎臣殺賈似道者吳人也其家居第甚盛號鄭半州四時飲饌各有品目著集珍日用一卷元夕閨燈寶錄一卷夏基西湖志張淑芳錢唐西山樵家女有才色理宗時選入宮賈相匿之為妾

憶否琴邊奉至尊  
文君鬢影伴黃昏  
斧柯片石香痕濕  
留與遺民一斷魂

湖山類藁汪水雲留燕臺一紀東書告行一時同人賦詩為別陳正淑詩云天山雪子落紛紛醉擁貂裘坐夜分明日馬頭南地去琴邊應是有文君改歲齋禱疏水雲宋末以善琴供奉國亡隨三宮入燕久之請為黃冠南歸藏有賜硯背刻天錫永寶四字八分書右刻水雲二篆字左刻楷書絕句云斧柯片石

伴幽閒堪與遺民共號頑試憶  
當年承賜字墨痕如淚盡成斑

水南半隱傍花宮猶是承平處士風一卷十空經在否

有兒不愧鞠山翁

心史鄭思肖父鞠山翁歸起淳祐間居西湖有水南半隱在長橋作水南半隱記寶顏堂筆記鄭所南

嘗著大無工十空經一卷空字去工而加十寓為大宋造語奇澁自書其後云當有巨眼識之

問安兵已入宮時救日空教羽檄移麗景只今傳樂府

松風吹冷浴龍池

吟嚙集咏呂文煥詩只將六載無消息太后宮中一問安注云大兵至臨安屯阜亭山文煥與范文虎九

騎入城至大內謁宋太皇太后 三朝野史大兵渡  
江賈似道即出檄書布告中外有云救日之弓救月  
之矢便直指於旌旗如礪之山如帶之河尚永堅於  
盟誓 思古堂集臯亭山崇先寺浴龍池宋高宗嘗  
洗手因名 案西湖十景始自南宋翟宗吉稱周草  
窻賦木蘭花慢張子成賦應天長皆晚宋名作今草  
窻十景詞已軼不傳獨張子成陳君仲所作具在各  
存五首以見勝槩其外南渡詞人題咏行都者亦摘  
句附卷尾 日湖漁唱蘇堤春曉調探春云上苑烏  
啼中洲鶯起疎鐘纔度雲窈窕冷香篝燈微塵幌殘  
夢猶嗔芳草搔首捲簾看認何處六橋烟柳翠橈繞  
艤西冷趁取過湖人少 掠水風花綠繞還暗憶年  
時旗亭歌酒隱約春聲鈿車寶勒次第鳳城開了惟  
有踏青心縱蚤起不嫌寒峭畫闌間立東風舊紅誰  
掃 平湖秋月調秋霽云十頃玻璃送遠目斜陽漸  
下林間題葉人歸采菱舟散望中水天一色碾空桂

魄玉繩低轉雲無迹有素鷗閑伴夜深呼棹過環碧  
相思萬里頓隔嬋媛幾回瑤臺同駐鸞翼對西風  
憑誰問取人間那得有今夕應笑廣寒宮殿窄露冷  
烟澹還看數點殘星兩行新雁倚樓橫笛斷橋殘  
雪調百字今云凝雲返曉正蘼花纔積荻絮初殘華  
表翩躚何處鶴愛吟人正孤山凍解苔鋪水融莎甃  
誰凭玉勾闌茸衫瓊帽冷香吹上吟鞭將次柳際  
瓊消梅邊粉瘦添做十分寒閑踏輕澌來薦鞠半潭  
新漲微瀾水北峰巒城陰樓觀留向月中看巘雲深  
處好風飛下晴湍雷峰落照調掃花遊云數峰巔  
碧記載酒紺園柳塘花塢最堪避暑愛逆香送晚翠  
嬌紅無款乃菱歌乍起蘭橈競舉日斜處望孤鶩斷  
霞初下芳杜遙想山寺古看倒影金輪邇光朱戶  
暝煙帶樹有投林鷺宿凭樓僧語可惜流年付與朝  
鐘暮鼓謾凝竚步長橋月明歸去花港觀魚調薦  
山溪云春波浮淥小隱桃溪路煙雨正林塘翠不礙

錦鱗來去芹香藻膩偏愛鯉花肥簷影下柳陰中逐  
浪吹萍絮 宮溝泉滑怕有題紅句釣餌已忘機都  
付與人問兒女濛濛梁興在鷗鷺笑人癡三湘夢五湖  
心雲水蒼茫處 梅淵詞麴院風荷調應天長云換  
橋渡舫添柳護琪坡仙舊欠今續四面水窗如染香  
波釀春麴田田處成暗綠正萬羽背風斜矗亂鷗去  
不信雙鴛午睡猶熱 暹記湧金樓共撫雕闌低度  
浣紗曲自與故人輕別榮枯換涼燠亭亭影驚艷目  
忍到手又成輕觸悄無語獨撫花鬚心事曾卜 南  
屏晚鐘前調云翠屏對晚烏榜占隄鐘聲又歛春色  
幾度半空敲月山南應山北嶽娛地空浪迹設記省  
五更聞得洞天曉夾柳橋疎穩縱香勒 前度湧金  
樓嘯傲東風鷗鷺半相識暗數院僧歸盡長虹卧深  
碧花間恨猶記憶正素手暗裁輕拆夜深後不道人  
來燈細窗隙 柳浪聞鶯前調云翠迷倦舞紅駐老  
妝流鶯怕與春別過了禁烟寒食東風顛環鐵遊人

恨柔帶結更喚醒羽喉宮舌畫船遠不認綿蠻晚棹  
空歇爭似湧金樓燕燕歸來鉤轉暮簾揭對語畫  
梁消息香泥砌花眉昆明事休更說費夢繞建章宮  
闕曉啼處穩繫金絛雙銚籠月三潭印月前調云  
桂輪逼彩菱沼漾金潛虬暗動鮫室水路乍疑霜雪  
明眸洗春色年時事還記憶對萬頃對痕龜坼舊遊  
處不認三潭此際曾識今度湧金樓素練鶯窻頻  
照庾侯席自與影娥人約移舟弄空碧宵風悄窺漏  
滴蚤未許睡魔相覓有時恨月被雲妨天也拚得  
兩峰挿雲前調云暮屏翠冷秋樹赭疎雙峰起南北  
好與霽天相接浮圖現西極苔蕘處雲共碧謾費盡  
少年遊屐故鄉遠一望空遙水斷烟隔間凭湧金  
樓漱艷波心如洗夢淹淹筆喚起睡龍蒼角盤空壯高  
邑西湖路成倦客待倩寫素練千尺便歸去酒底花  
邊猶自看得書舟雅詞臨安晚秋調滿庭芳云南  
月驚烏西風破雁又是秋滿平湖米蓮人盡寒色戰



菰蒲 坦菴長短句中元柳洲作調酌江月云一葉  
扁舟數聲柔櫓陡覺紅塵遠六橋三塔恍然圖畫中  
見 嬾窰詞西湖調風入松 入扇柳風殘酒點衣  
花雨斜陽 介菴詞西湖調謁金門云柳外晚來船  
集波底夕陽紅濕 月溪集錢唐記恨調水龍吟云  
晚來江闊湖平越船吳榜催人去 東澤綺語債錢  
唐北關舟中調月底脩簫譜云小船窻香雪照尊  
俎 隨如百詠西湖餞春調江神子云柳外歸雅照  
點是離愁 空同詞湖上調菩薩蠻云駐馬綠楊陰  
酒樓三月春 碧山樂府次周公謹故京送別調三  
姝媚云今夜山高江淺又月落帆空酒醒人遠彩袖  
烏絲解愁人惟有斷歌幽婉 梅屋集漁浦有感調  
綺羅香云斜照帶一縷新愁盡分付暮潮歸去 江  
村遺藻半閑堂賦春雪調玲瓏玉云風窻浙藪夢驚  
錦帳春嬌是處貂裘透暖任尊前回舞紅倦柔腰  
友古詞西湖調浣溪沙云虛掉玉釵驚翡翠緩移蘭

棹趁鴛鴦 石屏詞寄豐宅之調賀新郎云錢唐風  
月西湖柳渡江來百年機會從前未有 竹齋詩餘  
湖上調鵲橋仙云黃花似鈿芙蓉如面秋事淒然向  
晚 于湖詞元夕調憶秦城云多情又見珠簾揭遊  
人不放笙歌歇笙歌歇輕烟曉散帝城宮闕 和清  
正詞調西河云都會地東南王氣須記龍盤鳳舞到  
錢唐瑞烟回起畫圖彩筆寫西湖波光溶漾無際  
花草粹編羅志仁賦四聖觀調霓裳中序第一云記  
舊日曾遊翠輦青紅如寫便  
面悵下鵲池荒放鶴人遠

南宋雜事詩卷六

欽定四庫全書

南宋襟事詩卷七

仁和趙信撰

帝都繡錯列山川警蹕初聞鳳詔傳從此六飛臨幸後  
七朝都屬太平年

葛澧帝都賦序云錢唐據東南之都會號天下繁盛之樂土山川之秀麗井邑之浩穰人物之豐景槩之美考按圖籍見於前人之稱述備矣因撫其大略總而賦之 淵鑑類函宋高宗定都臨安詔曰昔在光武之興雖定都於洛而車駕往返見於前史者非一用能奮揚威靈進行天討上繼隆漢朕甚慕之朕荷祖宗之休克紹大統夙夜危懼不常厥居比者巡幸建康撫綏淮甸既已申問邊圉獎率六軍是故復還

臨安內脩政事繕治甲兵以定基業非厭雨露之苦而圖宮室之安也遂定都故今以臨安府為行在所朝野襟記高宗六飛至錢唐觀表裏江湖之勝嘆曰吾舍此何適呂頤浩上言曰金人專以聖躬為定今駐蹕錢唐足避其鋒矣帝意遂決人皆以偏安責秦檜不知實頤浩成之也

艮山門外曉風尖玉輦低遮錦軟簾佳處但從東麓望一方新綠畫春奩

宋史紹興十二年玉輦成前有橫軾後垂錦軟簾歲寒堂集艮山東麓南渡宸遊看新綠之處

青燈如豆夜書開蒸餅嘗教市得來著就公餘詞一卷  
落花縈草憶簫臺

北窻炙糶云姚進道在大學日每夜必市兩蒸餅未嘗食明日輒以飼齋僕同舍皆怪之子韶問曰公所市蒸餅不食徒以飼僕何耶進道曰固也某來時老母戒某之學中夜間餓則無所得食宜以蒸餅為備某雖未嘗餓然不敢違老母之戒也市之如初進道名述堯華亭人所著有蕭臺公餘詞詞綜作錢唐人名見咸淳臨安志進士表

電窻窈窕燭花明蓮漏傳籤已四更  
輟卷不知雙目痛  
親持玉管賜佳名

揮麈後錄高宗諭宰臣云王某所進兵制甚佳朕連夕觀為目痛賜其書名曰樞庭備檢

玉輦當年幸翠岑親書小字是泥金  
紫駝尼裏檇蒲錦

貝葉傳來盡梵音

湖山勝槩高宗嘗幸薦福寺吳太后手書金剛經有  
楊太后跋及高宗御書心經並刻石藏下天竺靈山  
墻下 齊東野語思陵妙悟八法訪求法書名畫故  
紹興內府所藏不減宣和其裝褙裁制各有紫駝尼  
裏袴蒲  
錦褙

清賞堂前接管絃至尊偏喜杏花天教坊嘌唱無由入  
供奉空傳何總憐

南宋故都宮殿記翠寒堂芻綠華堂環秀堂清賞堂  
齊東野語太皇宸知音極喜歌木宜人者以歌杏  
花天遂補教坊都管 藝流供奉志  
嘌唱賺色何總憐陳伴伴施二娘

兩回斤斧救蒼官  
淮海新詩動玉鸞  
從此月波亭上望  
綠陰仍作畫屏看

靈隱遺事靈隱寺僧元肇號淮海寺有古松大數十  
圍與月波亭相對史彌遠遣人伐松淮海作詩云大  
夫去作棟梁材無復清陰覆綠苔惆悵月波亭上望  
夜深惟有鶴歸來 山房隨筆穆陵在御闈貴妃父  
良臣起香火功德院欲於靈竺下伐松供屋材淮海  
又作詩曰不為栽松種茯苓祇緣山色四時青老僧  
不為移松去留與西湖作  
畫屏詩徹於上遂命勿伐

佳識昭然可不疑  
歡聲父老望旌旗  
仁和門外江東道  
馬首聞呼趙不衰

揮塵後錄高宗自建康避入浙東至蕭山有列拜於道側者揭其前曰宗室趙不衰上大喜曰符兆如此吾無憂矣是時選御舟篙工有趙立畢勝之識

黃閣優閒塞責餘千函日攬四方書緘題併字如忘却  
遠道空勞使者車

宋史紀事本末陳自強為相言路阨塞有泛論君德時事皆取其陳熟緩慢略無撻拂者言之或問之則愧謝曰聊以塞責耳又陳自強貪鄙四方致書餽必題其緘云某物若干併獻凡書題無併字則不開  
內使龍茶宣賜回班荆館為使臣開湖山景物家鄉地  
幾度迎風喚筆來



武林舊事北使到闕賜御筵於班荆館傳宣撫問賜  
龍茶一勛銀合三十兩入蜀記班荆館者北使宿  
頓及賜燕之地距臨安三十六里程史施宜生闕  
人也有僧相之曰面有顴骨可公可獅子身之毛皆  
逆上且覆腕然則必有合乎此而後可貴也龜山僧  
介之北不數年任至禮部尚書時盟好方堅而謀者  
傳逆亮調兵之事無虛日金來賀正且宜生為使至  
天竺語館使張燾曰今日北風甚勁又取几間筆扣  
之曰筆來筆來  
於是始大警

三顧頻煩運幄籌令公帳下領兜鍪笑他帶汗南奔日  
還憶軍中借木牛

龍洲詞贈殿帥郭杲云細柳營開團花袖窄人指汾  
陽郭令公案杲倪侂胄黨開邊時統兵北伐者宋

裨類鈔嘉泰開禧間郭倪位殿巖自謂卧龍復生酒  
後輒詠三顧頻頻兩朝開濟陳景俊為軍漕讎之曰  
木牛流馬則以煩公既潰自度不復振對  
客泣時彭法傳師在坐曰此帶汁諸葛也

雲龕居士老詞人吟得官梅托興新不忿開遲怨風笛  
酒邊記唱漢宮春

小學紺珠南渡三詞人李邴汪藻樓鑰也 能改齋  
漫錄李漢老建炎末自簽書樞密遷知院二三月而  
罷為梅詩托意云綿霜歷雪忿開遲風笛無情抵死  
吹鼎寶未成心尚苦不甘桃李傍疎籬 玉照新志  
漢老少日作漢宮春咏梅膾炙人口所謂問玉堂何  
似茅舍疎籬是也政和中王黼為相忽招至東閣開  
宴出其家姬十數人酒半唱是詞數日有館閣之命  
案邴疏雲龕居士任城人紹興初參知政事卒謚

文敏

小步宮門日影殘，青青楊柳望中寒。行朝臨遍蘭亭石

得似先皇墨未乾。

蘭亭考紹興初遣中貴衛茂實交河南地界是時講好之初使人往來中都宮闕尚容觀瞻衛因與同事趙彥恬遍歷其間至一閣壁度上有小匣徽皇御筆題云正定武蘭亭整有十軸遂置其匣袖之以歸使回各藏其一餘皆上之九重 珍珠船紹興乙未六月思陵常臨禩序賜刻劉光世子堯仁進之孝宗親洒宸翰於後

敢矜紅旆笑儒酸，綠鬢青衫蚤聽宣。擬得策題學士院

內批左藏賜餐錢

玉堂襍紀試文多在學士院內侍省差官一員充監門前一日學士宿院進策題侯內批依次早乃引試走左藏庫錢三十緡充餐錢周必大以秘書少監寓直翰苑發策嘗賦詩寄程同年云當年給札踏金鑿重到依然九月寒學士策詢學士策秘書官試秘書官自憐綠鬢非前度尚喜青衫總一般寄語浙東程閣老莫矜紅柿笑儒酸

牡丹秋影曉霏微自賞湖光近釣磯還與蘇隄漚鷺約不將五組易蓑衣

江湖長翁集詩春光陸續委東流看到湖邊安石榴更與蘇隄漚鷺約辦舟來賞牡丹秋自注俗日芙蓉

為秋牡丹 雲莊四六餘話周益公謝宮祠表曰晨  
趨鳳闕綰五組之光華夕侶漁舟披一蓑之藍縷

降封麻卷閣門通熟狀親承鎖院中倮直自來知制誥

詞頭日日看屏風

玉堂襟紀內封名色不一倮直時或未詳其體院吏  
必以片紙錄舊作於前謂之屏風兒 又凡鎖院或  
親被旨或受熟狀即關閣門閣門即報御史赴文德  
殿聽麻麻卷自內出宣贊大聲植首尾詞及塔位姓  
名下數句并所除之  
官而讀之不盡宣也

莊嚴雕飾紙衣僧蓼葉芹花滿鉢稜一自翠華行幸後  
袈裟金縷伴禪燈

四朝聞見錄觀音高五丈本日本國僧轉智所雕轉智不御煙火止食芥蓼不衣絲綿常服紙衣號紙衣和尚高宗偕憲聖嘗幸觀音所憲聖制金縷衣以賜之及挂體僅至其半遂再製衣以賜

案五丈觀音

在龍山  
勝相寺

紹興誰念舊封疆黃閣歸來錢滿囊愛殺當時髯吏部  
裝成千載墨猶香

宋稗類鈔渡江後呂元直作相堂厨每廳日食四千至秦會之當國每食折四十餘千於是始不會食又胡忠簡作字勁挺孝宗曰卿寫字宛如卿為人得卿紹興戊午所上封事真跡太上與朕玩久之太上曰留為後代式其後為檜批抹汙漬者多朕啓太上令工逐行裁去裝褙之矣 二老堂詩話胡邦衡多

髯初除吏部郎官  
或以髯吏部為戲

長日空教掩竹扉  
雨泥融淨燕初飛  
劇憐春盡無憂館

乙乙楊花欺客衣

朝天集都下無憂館小樓春盡旅懷二首病眼逢書  
不敢開春泥謝客亦無來更無短計消長日且遠闌  
干乙乙回不關老去願春遲只恨春歸我  
未歸最是楊花欺客子向人乙乙作西飛

延風揖月鎮從容  
西掖揮豪不再逢  
羸得竹絲胎髮樣  
即今同受管城封

玉楮集試廬陵賀發竹絲筆詩此君素以直節名延  
風揖月標韻清何人心匠出天巧縷枰毫分勻且輕

居然束縛復其始即墨紆朱封管城世門官爵豈必  
計且幸一家同汗青 太平清話宋時有雞心筆檀  
心筆小兒胎髮筆猩猩毛筆鼠尾筆狼毫筆 咸淳  
臨安志張彥實掌制誥楊原仲並居西掖誥詔多張  
與之潤色間戲成筆一絕云包羞曾借虎皮蒙筆陣  
仍推兔作鋒未用吹毛強分別即今同受管城封原  
仲以為誚已愬於  
秦檜罷為宮祠

蕊官宣喚按新歌爭捲珠簾踏舞鞦韆春到十三門裏路  
內宮齊著縷金羅

楊太后宮詞新翻歌譜甚能竒宣索蕊官入管吹又  
聞道蕊官三十六美人爭為捲珠簾 心史宋行在  
十三門 談薈宋時宮人多  
以麝香色縷金羅為衣裙



嬾向橋邊問得仙一蓬秋雪晚漁天歸來迷却蒹葭里  
暫就僧房借榻眠

西溪梵隱志紹興間有老翁自言姓朱不火食能前  
知品度蒼然坐橋而化故曰得仙又宋南障湖俗  
呼河水亦名渦水又曰蒹葭深處沙岸縈迴秋深荻  
花如雪故其地又名秋雪隨隱漫錄度宗御製晚  
望詩鷗鷺歸烟渚秋江挾晚  
晴老漁閑舫艇坐待月華生

新聲歌罷半含顰  
堯畏花枝別樣春  
一盞鶴飛消渴露  
軟屏風底笑夫人

南宋相眼周子充之侍妾曰芸香姓孫氏錢唐人淳  
靜謹畏精於女工頗能為新聲事公於行在所時年

十七 夢梁錄有一等貧家父母兄弟姊所倚老惟色  
可取而奩具茫然議親者以首飾衣帛加以諸物送  
往謂之兜裹 說略周益公有鶴飛盞注酒則鶴飛  
乾則減 常居聽輿周益公夫人妒有媵公盼之夫  
人縻之庭公過之當暑媵以渴告公以熱水酌之夫  
人窺於屏曰好個相公為婢取水公笑曰獨不見建  
義井  
者乎

只管催歸歸計無杜鵑早已叫西湖如何月夜天街上  
撥盡琵琶唱鷓鴣

明詩綜昔米南渡李御史粹伯菩薩蠻詞云杜鵑只  
管催歸去知渠教我歸何處 蒙泉詩藁三月十六  
日西湖聞杜鵑詩云辟穀未能那廢食買山所欲尚  
無錢 咸淳臨安志乾道四年臣僚言今都人靜夜

十百羣吹鷓鴣撥琵琶使一人黑衣而舞衆人拍手和之道路聚觀不可不懲詔從之

一枝芍藥倚東風讀得詩書正後宮縱有迎康天賜兆

### 都緣貴相產重瞳

謠薈高宗皇后吳氏父吳迥常夢至一亭曰迎康旁值芍藥一枝獨放一花花下白羊一隻后以乙未生高宗為康王時選入宮朝野襍記吳皇后京師人也年十四入宮少長封新興郡夫人上自海道還進才人又進婉儀時邢后在朔庭後宮惟后與婉儀為上列而后讀書萬卷翰墨絕人自是寵遇日至顯仁太后來歸明年遂正位宮壺南宋相眼洪邁云顯仁本會稽人紹聖蘇丞相頌致仕居丹陽有老婢常出家為尼嘗給事蘇丞相其妹即顯仁也初攜登頌榻通夕遺溺不已頌曰此甚貴非此能住宜攜以入

京會哲宗擇室女二十人分賜諸王顯仁在選入端  
王宮暨即位才一幸而生太上 弘簡錄常太后開  
封人崇寧中入宮為侍御  
得幸夢神投胎遂生高宗

沙岸波光積翠鋪風標公子下菰蒲不知春曉西湖上

染出南山黛色無

清河書畫舫劉松年西湖春曉圖 高宗御題劉松  
年畫紈扇詩南山晴翠入波光一派溪聲繞路長最  
愛早春沙岸暖袞風輕浪拍鴛鴦荷葉如錢三月時  
幅巾藜杖一追隨爾來勝事知多少惟有風標公子  
知

帝姬金屋自風流奩具封章孰與儔一種貧家深巷女

落花滿地不知愁

却婦篇政和間采周之王姬之稱而改公主曰帝姬  
郡主曰宗姬縣主曰族姬公主之號建炎初復之  
朝野雜紀故事宗女適人皆內侍與有司主之以昭  
穆益疎乃給奩具然有司不時給宗女貧不能行多  
自稱不願適者 又凡宗室封女之制使相女封淑  
人節度使碩人觀察使令人等身亡皆任子孫一人  
不見文章立墓門牧牛亭上泣奸魂東窻事犯須臾事  
夜半猶然憶子孫

佩常齋集秦檜為相怙權恃援沮復仇之議誅殺勲  
舊誣陷忠良死之日詔撰神道碑士大夫無肯執筆  
者 山堂肆考檜墓在建康墓上豐碑屹立不鏽一  
字蓋當時士大夫鄙其為人兼畏物議故不敢立神

道碑 野容叢書金陵牧牛亭秦檜立壠在焉有移  
忠旌忠兩寺相去五里金碧相照楊誠齋過之題詩  
於壁雲過淡墨岳侯之獄以檜妻王氏一言而死有  
押衙何立者檜命往東南第一峰勾幹恍惚人引至  
陰司見夫人帶枷備刑楚毒難堪語立曰告相公東  
窻事發矣押衙復命言其事檜憂駭數日亦死 按  
丘氏遺珠有方士伏章見檜與万俟卨俱荷鐵枷檜  
屬方士曰可煩傳語夫人東窻事發矣此說與此不  
同 鴻慶居士集載秦檜之跋後山集後有云病起  
聞雞唱不寢書此以付墳堪 按墳堪秦檜二孫也

松柏青青繞券臺 麪棋彩段紙錢堆 拜墳兒女悲霜露  
莫向菩提拭淚來

乾淳歲時記祀先例用時果彩段麪棋 程氏遺書  
拜墳則十月一日拜之感霜露也寒食又從常禮祭

之飲食則稱家有無 滄洲集菩提寺詩一畝方塘  
幾劫灰哭聲未了笑聲催六橋煙柳相逢處半是菩  
提拭淚來自註菩提寺臨安人火  
葬之地 按寺在錢唐門外今廢

紫花羅服稱風流花散東風暖氣浮莫使蚤梅欺晚杏  
一般春色有清愁

淵鑑類函宋高宗紹興二年賜吳益紫花羅公服  
林下詞選梅嬌杏倩俱宋吳七郡王姬工詞翰常賦

詞相謔梅嘲杏滿庭芳云杏花何太晚遲疑不發等  
待春深杏嘲梅滿庭芳云梅花何太早蕭疎骨肉葉  
密花  
稀

菱角香薰紫繡裾瑤津小艇採芙蓉花前坐賭長歌罷

羸得寒光玉魚

稗史彙編慶元吳監稅菱角香乃不假印手捏而成  
乾淳起居注淳熙六年三月太上太后並乘步輦  
官裏乘馬遍遊園中再至瑤津西軒入御筵 談  
蒼南宋宮人有寒光水玉魚係楊太正潤肺物

湖上清遊佛子家粉雲酥雨壓楊花今朝妙出春風手

六一泉烹雙井茶

清苑齋集孤山寒食詩二月芳菲在水邊旅人消困  
總隨綠晴舒蜨翅初勻粉雨壓楊花未放綿 朝天  
續集以六一泉煮雙井茶中有句云  
細絲六一泉中味故有涪翁句子香

重門鐵葉鎖金環只戀鉤春柳幾彎如此江山亭在否



精能圖上看名山

吳越備史抗城凡七十里門凡十皆金鋪鐵葉用以  
禦海諸門皆有星橋惟艮山門獨無無懷小集湖  
上觀柳偶記龍泉先生句春柳一絲之句感而有述  
云斷槎無葉又無枝得似勾春柳一絲不是畫船樓  
泊處白鷗飛下立多時七脩類藁抗城舊有如此  
江山亭在吳山天望觀此乃宋遺民有為而作也  
清河書畫舫王維精能圖在紹興秘府前有思  
陵御題乾卦紹興小璽按精能者名山之目也

宜雨亭邊趁晚陰春風流水海棠林酒闌睡醒園千葉  
人在紅雲無處尋

武林舊事張功甫衆妙峰山內有宜雨亭種千葉海  
棠二十株夾流水誠齋集觀張功甫園中海棠有

約齋妙出春風手  
人在中央花四旁

驅蝗無法老農嗟  
擺極風香稻試花賽  
社不須祠莽將

滿塍新水聽鳴蛙

脚氣集朝廷禁捕蛙以其能食蝗也 居易錄南宋  
劉漫塘宰為蝗神劉金壇人有專祠往祀之則蝗不

為災俗  
呼莽將

錦塢山中花滿川  
雲煙四壁畫前賢  
遊人不盡傷今昔  
遙望孤山放鶴仙

咸淳臨安志建炎初始建錦塢菴紹興二十一年額  
治平寺有閣三間面揖孤山扁曰煙雲四壁舊畫古

賢像今尚存李鄴侯白文公趙清  
獻張忠定范文正蘇文忠諸公像

芸籤玉榜落枯蟬秘省龍章品再三  
鈿匣金題誰拾得  
盡隨花鳥散江南

松隱集新建秘書省呈李秘監詩道山賢範久推藏  
聖德重興接耿光招隱稍來周俊造紬書行見漢天  
章掛簷玉榜昭新渥插架芸籤識舊香喜見諸儒在  
天祿嘉謨應欲贊時康筆叢宋淳熙中聚書至四  
萬四千八十六卷陳騏等四庫書目後屬增益至五  
萬九千餘卷中興館閣續錄南渡後秘閣所藏徽  
宗御題畫三十一軸又圖畫一百八十七軸御府  
續行降付并舊藏九百一十一軸嘉定三年并用都堂  
印仍於畫背用秘書省印又名賢墨蹟一  
百二十六軸一冊續行降付八十九軸

竹廊風細裊茶煙御餅龍文宮女煎昨夜外臣貢新茗

### 金奩拜賜紫雲鮮

瀛奎律隲梅聖俞建溪新茗詩有云粟粒烹甌起龍  
文御餅嘉註南渡後宮禁嬪御日所飲用即此品  
姚氏殘語紹興進茶自高文虎始 洛水集茶詞歲  
貢來從玉壘天恩拜賜金奩春風一朶紫雲鮮明月  
輕浮蓋面想見清都絳闕雍容多少神  
仙歸來滿袖玉爐煙願侍年年天宴

莫把杭州作汴州山河牛角為誰謀西湖水石無情況

### 縱少蘆花也是秋

彛堅志金人南侵高宗奔杭有人題詩吳山子胥祠  
云遷杭不已思閩廣牛角山河日入尖 四朝聞見

錄高宗六龍未知所駐觀錢唐表裏湖山之勝嘆曰  
吾舍是何適弘簡錄黃耆嘗從郭雍朱熹學熹深  
期之累官大理寺簿憤時不樂閒行西湖慨然嘆曰  
我昔在南北山一水一石無不品題今無復情況何  
耶梯未集湖亭之勝大似江上但無蘆葦二月二  
十日移植數千本詩云大年著色山前雨摩詰無聲  
句裏秋已是湖山無限  
好更栽蘆葦伴輕鷗

畫長紅紫競含芳繡錦亭邊鬪草忙妃主一時齊掩口  
輸他內侍嚼生薑

乾淳歲時記二月一日中和節排挑菜宴預備花斛  
上植生菜薺花諸品以金篋挑之賞則珠玉金銀爵  
則吟詩念佛飲冷水吃生薑以資  
戲笑故都宮殿考有綉錦亭

七插高鬟茉莉花  
茜雞蠟雁巧筵奢  
樓中妝點嬌兒女  
荷葉新栽半臂紗

乾淳歲時記茉莉初出之時其價甚穹婦人簇帶多至七插所值數十卷不過供一餉之娛耳又乞巧小兒女多衣荷葉半臂設茜雞蠟印鬼雁水禽之類

試罷尋春上翠樓  
雙鬟半髻聽歌喉  
燭花紅篆揮毫處  
從此佳人喚狀頭

夷堅志洪邁試詞科出院同試者五人至抱劍街娼孫小九家置酒於小樓而燭結花若連珠孫曰今夕燭花呈祥其為登第可證願各賦一詞洪詞臨江仙有云釵頭小篆燭花紅直須將喜事來報主人翁桂

月十分春正半廣寒宮殿匆匆垣城相坐曲  
欄東雲梯知不遠平步躡東風果奏名得第

手把青芝說舊恩雪香亭畔掩啼痕宮花零落收銀鑰

卸下歌妝出禁門

談菴南宋宮人有青芝雙虬如意是六朝宮人所遺  
禁扁有花光亭雪香亭雲泉詩集寄行宮監門

王以道詩云玉鈎簾外前朝柳鬪鴨闌邊小艷葩莫  
道君王不曾問好收銀鑰護宮花朝野襟記李王  
二才人俱明艷高宗愛之及上賓憲聖  
每見之常感愴孝宗聞之特許自便

空王不管有情痴一晌貪歡醉酒卮搵盡深閨兒女淚  
玉釵何處寄相思

玉照新志張安國春日諧友遊西湖至普安寺於窻戶間得玉釵半股青蛺半支想是遊人歡洽所分授偶遺之者各賦詩以紀其事王明清詩云淒涼寶鈿初分際愁絕清光欲破時

紅燈綠幕近黃昏幾醉藍橋風月罇新樣杏花高髻子

衣香綵繡進歡門

武林舊事元夕諸妓夜賣各戴杏花冠兒危坐花架又諸色酒名吳府藍橋風月夢梁錄食店門首以枋木及花樣香結縛如山棚窻隔皆朱綠五綵裝飾謂之歡門

思陵八法果堪珍絹本親披草洛神閱古堂中十二帖

笑他婢又學夫人



清河書畫舫思陵洛神賦絹本大行草書後署德壽宮書 玉照新志米元章帖十二冊各以其類為冊如手簡家書詩文各分類聞是韓侂胄故物中間韓魏公家園池詩各有闕古珍玩大印其後歸史衛王府 雪舟脞語婢之婢世謂之重臺羊欣書似婢學夫人米芾學欣書故高宗謂米字為重臺 思陵八法事見前 皇明文徵聶大年高宗遺墨詩摩挲五十四驪珠絕勝滕王蛺蝶圖惆悵彩雲飛不盡至今遺恨滿西湖

拘沒皆歸南庫藏須還御筆煥天章宮亭西畔悲冢市瓦屋江州是故鄉

金陀續編本部據江州申見在岳飛田產屋宇等有人承佃田三頃一畝地九十一畝水磨二所廊房草

瓦屋共一百五十一間岳家市見今只有六十間地  
基屋宇共二百九十間奉聖旨令給還又前後被  
受御筆手詔無慮數百章不幸為權臣厚誣悉被拘  
沒今聞見在左藏南庫架閣比蒙詔太常議謚而木  
家別無文字可以稽考欲望朝廷給付本家參考庶  
使子孫久遠珍藏奉聖旨令左藏南庫搜檢給還  
玉楮集初還故居詩元是廬山莫逆交宮亭西畔著  
衡茅盟鷗似怯經新浪怨鶴還知宿故巢一沼種蓮  
衣可製萬竿脫籜杖輕敲不須  
海若猶然笑乞與杯堂樂芥坳

台星朗耀紫垣中賢牧堂前像已工  
衮冕師王生意在柳洲更與坐龍宮

雙槐歲抄會稽郡治有賢牧堂趙師異帥浙東使門  
吏陳詞乞增已像四朝聞見錄湧金門柳洲龍王

祠帥臣趙師霁重瘞五王梳冕珪服畢具其中三像  
一模韓侂胄一模陳自強一模師霁時韓陳猶在臺  
臣惟於疏中及師霁自貌其像不敢斥韓陳云 又  
開禧時政府惟有陳自強居相位民謠謂之天上台  
星少人間  
宣幹多

孤峰西轉水東流風月臨平動客愁幾處桑麻邨舍外  
漁姑多住藕花洲

咸淳臨安志臨平山上有塢有龍洞細礪洞有天井  
下有東嶽廟景星觀峙立兩旁又有藕花洲即鼎湖  
也 沈金部汝諧詩有山勢分明  
飲水巖孤峰西轉鬱嵯峨之句

故宮忍見舊冬青一塢如山雪涕零欲訪影魚香骨案

# 更從何處叩英靈

槎菴小乘至元間得南國有總統者發掘先宋江南陵寢其間金寶不可勝計取梓宮中尸體置於故宮殿基上建石塼壓之以厭勝江南人凡宗廟神主人民版籍皆置於其下高一十三丈解醒語西僧楊

璉正伽啓掘宋帝諸陵寢徽宗陵得走馬烏玉筆箱銅涼撥繡管高宗陵得正珠戲馬鞍光宗陵得交加百齒梳香骨案理宗陵得伏虎枕穿雲琴金貓睛為徽龍肝石為軫綠玉磬楊貴妃物度宗陵得五色藤絲盤影魚黃瓊扇柄按元史楊璉正伽為江南釋教總統發掘故宋諸陵之在錢唐紹興及其大臣衆墓凡一百一所

內殿傳來宴近臣酒酣歌罷笑宮嬪當前欲乞詞人筆

香霧輕飄解領巾

齊東野語孝宗內宴酒酣  
內人以帕子從曾覲乞詞

一團寒月白鱗鱗太史占來上瑞新後苑已圖耕織事

民間又見踏犁陳

近異錄慶元間季冬二十夜月如初出時臨安嘉興  
人皆見其團圞如望太史奏是為上瑞其地當十年  
大稔 玉海景德二年內出踏犁式付河北轉運使  
令詢訪民間可用則官造給之 又紹興中樓璠畫  
耕織二圖四十五事為五言詩四十  
五章高宗召對以進呈宣示後宮

定帖初來彩盒呈筵前最喜寶釵橫含情一樣春閨女

# 多少羞容受壓驚

夢梁錄伐柯人兩家通報擇日過帖各以色綵襯盤安定帖然後相親又如新人中意即以金釵插於冠髻中名曰插釵又若不如意則送綵緞二疋謂之壓驚則姻事不諧矣

# 酒衣簇蓋盡銷金綵幣紅羊報吉音鬚掠巾環相答外一罇魚水用心深

夢梁錄媒氏往女家報定加以雙羊牽送以金餅酒裝以大花銀方勝紅綵銷金酒衣簇蓋酒上又女氏即於當日回定禮以珠翠鬚掠阜羅巾段七寶巾環又用金銀打造魚箸以綵帛造像生葱雙株掛於魚水罇外

妓樂迎來樓轎前雙擎寶鏡照團圓兒童拾果攢花斗  
爭乞攔門利市錢

夢梁錄至親迎日借官私妓女及樂官鼓吹引迎花  
檐子或樓檐花籐轎前往女家迎取新人 又尅擇  
官執花斗盛五穀豆錢綠果望門而撒小兒爭拾之  
謂之撒穀豆以壓青陽煞耳 又樂官妓女互念詩  
詞攔門求利市錢 又新人  
下車一妓女倒朝車行捧鏡

青花檀上步紅蓮佳兆乘龍跨錦韉百子帳中看合髻  
綵絲雙結兩心聯

夢梁錄新人下車左右女使扶持而行踏青檀花席  
上先跨馬鞍背平秤而過 又男左女右結髮名曰

合髻 又禮官請兩新人出房叅堂男執槐簡掛紅  
綠綵縮同心結倒行女掛於手面相對而行謂之牽  
巾

塗金貼套蜜油缸還送花冠鶯蛋雙親串三朝餽女後  
並肩絮語坐紗窻

夢梁錄三日女家送冠花緞鶯蛋以金銀缸兒減油  
蜜頓於盤中四圍撒帖套丁膠於上 又女家或於  
九朝內移厨往塔家  
致酒謂之餽女會

歲晚西廬冷不禁風餐雪嚙惱詩人清寒仙境非人世  
何處能回暘谷春



誠齋集左藏南庫西廬下紙閣負暄戲題左帑大禁  
清寒非人間有也而庫官孔仲古汲季承史伯載心  
匝天功勦一火閣不薪不炭煖亦非人間有予以小  
賜谷名之且賦絕句水衡仙客任冰天雪嚙風餐更  
禁烟不共移來小賜谷老夫凍折  
兩詩肩 案左藏庫在清湖橋

銀榜恭書幸翠華玉壺私酒愧官家三千庫米都齧却

### 一任東風轉柳花

老學菴筆記德壽宮德壽殿皆壽皇御書旁署臣某  
恭書四字 程史右正言表孚論北內有私酤尤堯  
怒孝宗諭曰太上怒甚昨日方宴太上賜酒一壺親  
書德壽私酒於上 思陵錄四月庚辰國忌行香蓮  
司令承受奏每糴米五千石內二千石御前酒庫三  
千石德壽酒庫內批德壽宮三十石更不供納遂申

中書省照會 武林舊事壽皇承歡兩宮楊誠齋詩  
云長樂宮前望翠華玉皇來賀太皇家青天白日仍

飛雪錯認東

風轉柳花

白練分馳滾畫毬毬門高築殿西頭芙蓉秋晚誰先得

爭唱紅旗第一籌

玉海淳熙四年命閣門稽太宗朝擊毬典故仍先習  
儀詔擊毬御朋是日三少使相執政已下各分朋侍  
立上擊過毬門回馬御殿皇太子以下稱賀續資  
治通鑑淳熙四年九月閱蹴毬於選德殿周必大  
年譜同宰執赴芙蓉閣觀擊毬內宴選德殿有御製  
詩吳穹垂佑福羣生涼德惟知監守成禾黍三登占  
叶氣蕭韶九奏播歡聲未央秋晚林塘靜太液波開  
殿閣明嘉與臣鄰同燕樂益脩庶政答丕平 宋史

有司除地東西為毬門加以采績承旨二人守門衛  
士二人持小紅旗唱籌御龍官錦繡衣持歌舒棒周  
衛毬場東西建日月旗教坊設龜茲樂於兩廊鼓各  
五閣門預定分明狀取親王近臣駙馬都尉以下悉  
預服異色繡衣左朋黃襴右朋紫襴烏皮鞞冠以華  
挿脚折上巾天廡院供馴習馬帝乘馬出教坊大合  
涼州曲馬皆結尾內侍發金合出朱漆毬擲殿前通  
事舍人奏云御朋打東門帝擊毬教坊作樂奏鼓毬  
既度颺旗鳴鉦止鼓帝回馬從臣奉觴上壽貢物以  
賀始命諸王大臣馳馬爭擊毬門兩旁置繡旗二十  
四而設虛架於東西階下每朋得籌即插一旗架上  
以識之帝得籌樂少止從官呼萬歲羣臣得籌則唱  
好得籌者下馬稱謝又有步擊者乘騾驢擊者時令  
供奉者朋戲以為樂云 武林舊事築毬左軍一十  
六人毬頭張俊  
蹠毬王憐等

特設山林高士寮常從講易問道遙一朝杖履紅塵去  
琴韻松風久寂寥

四朝聞見錄孝宗聖性超詣尤精內景時詔山林脩  
養者入都真之高士寮人因稱之曰某高士有謝高  
士以從臣薦講易於宮中孝宗問以老莊之學易如  
剛最後灑掃高士堂亦稱高士無甚異惟善於趨謁  
陸三山因齋宿升宮扣其廬有三蒼童對弈聞松風  
間有琴絲棋弈聲陸公心羨何異神仙扣童願見高  
士童答以高士已出去某御藥處陸因歎曰高士亦  
見御藥耶笑而出高似孫真誥序云易如剛太乙  
宮高士也號  
玉京外臣

歌吹年年豐樂樓春晴三十六梯遊千官塲下題名姓

風景依希似汴州

湖山勝槩豐樂樓為朝紳同年會拜鄉會之地絕  
妙好詞韓偓浪淘沙豐樂樓詞云裙色草初青鴨鴨

波輕試花霏雨濕春晴三十六梯人不到獨喚瑤箏  
艇子憶逢迎依舊多情朱門只合鎖娉婷却逐彩

鷺歸去路杳陌春城江左十五子詩  
註煙霞洞口千官增刻南渡諸臣姓名

初開棘院立新科別取名流博學多底事分經誇蕊榜  
傳來謬種竟如何

日知錄高宗立博學宏辭科凡十二題制詔誥表露  
布檄箴銘記贊頌序內祿書六題分為二場每場體  
制一古一今南渡以後得人為盛多至御相翰苑者  
宋史各房分經始於理宗紹定二年又理宗朝

有司命題苟簡發策用事詭舛所取之士既不精數年之後復命主文時謂之謬植流傳

天章燦爛半山霞白石清泉有道家誰到永和尋石鼓

多從水甕看桃花

咸淳臨安志阜亭山寧宗御書三字為扁有崇善靈  
惠王祠名半山廟旁有水甕及桃花塢又菽陶孫  
詩樵路縈連入翠微清泉白石可忘機雲中天吹劉  
安過樹杪春深望帝歸又桐扣山在臨平山之西  
晉武帝時岸壞出石鼓擊之無聲張華取蜀桐木刻  
作魚形而扣之聲聞數里抱拙小藁市井蕭條景  
物非居人猶號永和堤  
永和堤即臨平驛路

燦錦亭前淪茗香即看百戲列迴廊影花扇底招關撲

分取金錢松子量

並淳起居注乾道三年三月車駕與皇后太子過宮  
起居二殿訖先至燦錦亭進茶 夢梁錄大街關撲  
如漏塵扇柄異色影花扇 老學菴筆記市人有以  
博戲取人財者每博必大勝號松子量不知何物語  
也

九仙有夢順人情臚唱傳來互有名魚雀不同松栢貴  
自然公自不如卿

湧幢小品陳僕射俊卿謁九仙祠問功名夢仙曰前  
程在黃公度口陳過黃黃曰我狀元子榜眼陳曰何  
尊已而卑人黃曰然則狀元爾榜眼我廷試黃果元  
陳榜眼高宗曰卿上何奇黃曰披綿黃雀美通印子

魚肥陳曰地瘦栽松栢家貧子讀  
書高宗曰公不如卿改陳為元

堂花看罷治遊歸去逐西嗟燕子飛衫紫紛紛裁御愛  
鬪將春色上春衣

癸辛襍識有馬嘜堂花 燕翼貽謀錄中興以後行  
都貴錢皆衣黝紫以赤紫為御愛紫無敢以為袍衫  
者獨婦人以  
為衫後爾

柳堤紅舫宣魚戶煖殿春燈點蟹香聞道民間供汎索  
茵丁昨夜又新除

蟹譜嘗見監御厨王滌院云御食經中亦有煮蟹法  
但不常御賜命則進 又錢唐置魚戶蟹戶專掌捕



魚蟹 玉楮集蟹至正月重出謂之看燈蟹 夢梁  
錄非時取喚謂之汎索 菌譜合葷產於台州嘗進  
上標以台葷上遂見誤讀合葷因  
承誤既充苞貢遂以此冠於諸菌

桃柳春工費主持妄遭蒲縛笑無知橫行介士風流甚

西子湖頭作判司

夷堅志步司將狄訓練五更至錢湖門覺有物觸其  
足取視則一巨蟹長三尺形模怪醜命卒執送於家  
坐假寐夢一人長髮容貌可惡淡綠袍軟幘  
黑鞵烏犀帶持手版揖曰某乃西湖判官

月課曾遺政府羞當時穢德有箕裘斬新節帖開言路  
湖上平章十六秋

宋史紀事本末以陳自強為右丞相言路阨塞每月  
按舉小史一二人謂之月課 又似道既相引薦奔  
競之士又引外戚子弟為監司郡守進倡優奉帝為  
遊燕臺臣有諫者宣諭使裁去謂之節帖 忠肅公  
集賈平章故第詩豪華汨沒幾星霜廢宅空遺孔道  
傍鼠跡印塵盈故榻燕巢經雨落空梁紫雲影斷人  
千古金谷花殘夢一場世事興  
衰只如此啼鴉不必怨斜陽

當年富貴付猴形飲博場中幾醉醒相法若應為大守  
可無萬里嘆伶行

齊東野語賈似道少日有人善相一日來值其跣卧  
因嘆惜再三私語客曰相公貴極人臣而足心肉陷  
足名猴形恐異時不免有萬里之行 又徐謂禮自  
誇閩人多奇中與賈似道為姻賈年少荒於飲博其

生母胡夫人苦之扣徐云君相法言之何如  
徐曰夫人勿多憂異日必可作小郡太守

曾因神馬駐三軍香火南來第一勲廟貌忽為丞相怒

居民空自殺王雲

南渡錄高宗徽宗第九子也封康王靖康之變質於  
金與金太子同射康王三矢俱中以為此必揀選宗  
室之長於武藝者冒名為此留之無益遣還換真太  
子來高宗得逸奔竄疲困假寐於崔府君廟中夢神  
人曰金人追及速去之已備馬於門首康王驚覺馬  
已在側霜蹄霧鬣昂然翹立躍馬南馳既渡河而馬  
不復動下視之則泥馬也 宋稗類鈔高宗至磁州  
宗忠簡假神道以止之曰此有崔府君廟甚靈可以  
卜筮有馬更顯應遂入燒香其馬啣車輦等物塞了  
去路遂止不往一日北使來秦檜出接少憩廊廡上

告以故檜曰余以為功今都歸功於神恐不便即日  
毀之 宋史紀事本末王雲副康王使金宗澤迎曰  
肅王一去不返大王復去何益願勿行王出謁嘉應  
神祠雲在後民遮道諫王勿北去厲聲指雲曰正賊  
也因執雲殺之 考湖州府誌南潯南柵建炎二年  
金人陷楊州高宗南幸金人追之帝至潯懼追者見  
及匿嘉應神祠中月下俄見泥馬忽動跨之而行遂  
入杭州舊封康王寺今褒能教寺俗呼康王寺按高  
宗從未至湖州此載或恐有誤  
案顯應觀祀崔府君在湧金門外

乞將主簿玉雙瓶淪水風前上雪亭飲取第三春貢好  
解從官柳醉微醒

平園集周必大胡邦衡生日以詩送北苑八勝日鑄  
二瓶曰賀客稱觴滿冠霞懸知酒渴正思茶尚書八

餅分闔焙主簿雙瓶揀越芽妙手合調金鼎鉉清風  
穩到玉皇家明年勅使宣臺醜莫忘幽人賦葉嘉  
省齋榮賦詩謝送賜茗復以丙申小春四鈔寄贈詩  
云淳熙又貢第三春驛騎星馳渡劍津七祖師泉難  
話舊八功德水且嘗新雪亭烹處休裝景火閣煎時  
却可人只恐春從官柳動樂天還欲醉精淳註官柳  
邦衡侍  
婢名

初聞響盞點蔥茶迎酒旋開賣酒家橫笛一聲吹入破  
便從竹葉換梅花

夢梁錄今之茶肆列花架安頓奇松異檜等物於其  
上裝飾店面敲打響盞又冬月漆賣七寶搗茶鐵  
子蔥茶至正直記故宋過府官及數貴例蒙賜酒  
却於官府支給以鼓吹歸謂之迎盃都城紀勝暑

天兼賣梅花酒用鼓樂吹梅花引曲破 曲洧舊聞  
杭州酒名有竹葉清碧香白酒 續松漢記聞燕京

茶肆設雙陸局如南  
人茶肆中置棋具也

江左曾傳定武本宣和殿裏幾回看八千袂帖空留得

蠶紙應無似牡丹

蘭亭考定武者乃江左所傳晉人會稽石也 太平  
清話唐太宗蘭亭用玉石刻之文宗朝舒元興作牡  
丹賦刻之碑陰熙寧間薛紹彭聞公厨有石用以鎮  
肉取視之乃刻牡丹賦於碑陰者遂易之以歸長安  
大觀中詔取置宣和殿或云艮嶽瑤亭靖康之亂  
尚方珍寶悉歸金獨此石金所不識遂棄不取建炎  
初高宗駐蹕廣陵宗澤守東都見之遣騎疾馳進行  
在未逾月金南侵大駕幸浙倉卒失之紹興中密旨

尋訪竟不獲 芝園前集賈師憲竄逐時朝廷  
命王孟孫簿錄其家石刻蘭亭多至八千匣

朝來宮婢藥囊添滿院飛花掩畫簾手把輕羅還絮語  
每逢三月病慊慊

神仙通鑑皇甫坦先生善布氣韶位有甄孃孃病雙  
累年踊而後能步太后命先生亦為布氣即釋踊而  
行及將還山留一扇於禁中曰有發寒熱者以此扇  
當差未幾宮中多患瘧用之皆驗 萬厯杭州府志  
陳沂其先汴人危蹕而南遂為錢唐人嘗治康王妃  
危疾有奇效賜御前羅扇凡宮中有疾欲不時召之  
者聽持扇入禁中金吾閣寺皆不得沮仕至翰林  
金紫良醫考癸辛襟志紫紗衫羅扇不得入宮

一叢東閣碧琅玕花水陰陰晝影寒但覓隔窻通小飲

# 嬾從祕省借書看

玉堂襟記學士院東閣窻下小池旁植金沙月桂之屬海棠郁李玉繡毬各一株 硯北襟志宋嘉定間著作郎曾從龍請嚴臣僚借書之禁紹定三年三月詔祕書省書籍非備省官毋得借書許從監少置簿有欲關文籍為檢閱較正等用即先批簿以憑請取俟還本庫隨與點收或借出已久亦須檢舉以察隱遺從祕書監

葉木言也

一奠神輿列祖筵焚香端為奉賓天公家楮券猶傳世  
例得堯夫用紙錢

楓憲小牘思陵神輿就祖道祭百官奠哭紙錢差小官家不喜諫官以為俗用紙錢乃釋氏非聖主所宜



以奉賓天也今上抵於地曰邵堯夫何如人而祭先亦用紙錢豈生人處世如汝能日不用一錢乎鼠璞楮券聽稱責以傳別特民間私相稱責以為符驗公家未嘗為之紹興間錢端禮議令權貨務給降諸軍見錢公據關子三百萬

芙蓉楊柳見梳妝燕子歸來覓錦梁滿目湖山仍似舊  
長橋何處弔朱孃

湖山類彙兵後汪水雲登大內芙蓉閣宮人梳洗處詩有楊柳分青青芙蓉兮冥冥美人不見空淚零錦梁雙燕來又去夜夜蟾蜍窺玉屏水心詩鈔朱孃曲憶昔翦茅長橋濱朱孃酒店相為鄰自言三世充拍戶官拋萬斛嗟長貧

又畫簪花技最工涉兒趨奉亦匆匆滑稽把色尋常事  
艷段爭如無過蟲

夢梁錄有一等手作出入宅院趨奉即君子弟為幹  
辦雜事插花掛畫幫涉妄作謂之涉兒 都城紀勝  
雜劇中先做尋常熟事一段名曰艷段次做正雜劇  
或添二人名四裝孤老吹曲破斷送謂之把色全以  
故事務在滑稽又隱於諫諍  
故隨便踈露謂之無過蟲

乘輦何妨可祀神要將喜怒任權臣六宮歌管春風夜  
蕭寺焚香拜美人

齊東野語度宗士子歲有事明堂將登輅雨至賈似  
道欲少候行宮使胡顯祖請乘輦上從之似道必欲

去顯祖竟追削顯祖本太常禮官以女為美人故至此有旨美人胡氏追毀命婦告送妙淨寺削髮為尼

圖畫新翻黃蠓箋幃歌山水潑雲煙欲從符印求正蹟

記取書題善雅傳

清河書畫舫思陵行書子美題奉先劉少府新畫山水幃歌黃蠓箋真蹟 却穆鐵網珊瑚思陵宸翰下有行書一聯其印文曰善雅蓋宋景獻太子書而善雅其堂名也

教駿人皆似九方邊臣重驛貢驪黃使船不用凌波檝

驥院新編第幾綱

玉海建炎四年詔駢驥院差教駿五十人赴御馬院養馬 又建炎元年招募習水善波操舟便利之人

令擬到軍號樓船軍詔從之 又邕州置買馬司必  
四尺二寸以上每百匹為一綱 金史尼堪曰南人

使船如使馬

鳥可敵也

角繻包髻出彤庭任子當年只六齡若到軍中備反側

井泉不獨紀銀瓶

宋史本傳韓彥直世忠子六歲入見高宗命作大字  
即拜跪書皇帝萬歲帝拊其背曰他日令器也親解  
孝宗卬角之繻傳其首 金陀續編初飛與張俊承  
詔視世忠軍往辭檜檜謂之曰且備反側檜為此語  
欲激其軍使為變因以罪世忠耳飛答曰楚州之軍  
即朝廷之軍也檜色變惡飛語直 湖瑠襍記銀瓶  
小姊者岳武穆季女也武穆被難女欲叩闕上書邏  
卒攔止之遂抱銀瓶墜井而死 按孝宗初追復武

穆原官以禮殉葬訪求其後槩予錄用襁褓以上皆  
官之女少者候嫁則官其夫武穆有女安孃女夫高  
祚補承信卽岳雲女大孃岳雷女三孃候出嫁日夫  
客與補進武校尉俱載在金陀粹編中則銀瓶小姊  
殉孝而死寧不經御旨追贈且岳珂  
為武穆孫而編中曾不一及之耶

紅頰香孩梳鵝角青髮嬌女簇牙魚落花軟襯春跌小  
為看風光九十餘

留青日札宋淳熙中剃削童髮必留大錢許項左右  
束以綵繒宛若博焦之狀曰鵝角 愧郟錄近世中  
都闈屬鬻冠飾者率為物象螭一角而兩足鳥翼而  
鵝尾通國服之謂之牙魚 蕤林伐山南渡後妓女  
窄鞵弓鞋如良人故當時  
有蘇州頭杭州脚之諺

童夫人尚有童心雪色獅貓愛護深堂上  
毳毼春不管  
伺他風蜨卧花陰

老學菴筆記秦檜孫女崇國夫人小名童夫人愛一獅貓失之遍索不得咸淳臨安志都人蓄貓長毛白色者名獅貓蓋不捕之貓徒以觀美特見貴愛

糖霜水飲涼生齒暖閣春回乍減寒  
昨夜宿醒猶未醒  
又聞宰相罷堂餐

南宋相眼唐璘見蔣峴尚書家子弟言理宗丙申四月乍暖飲糖霜水過多頓甚汪之道有異謀欲奉上為太上皇賈似道聞之密告其姊貴妃轉聞亟逐之宋季三朝政要紹定元年明月上飲宴過度史彌

遠卧病故時人譏之曰陰陽眠變理天地醉經綸  
經濟類編董宋臣逢迎上意宮中進倡優傀儡諸戲  
以奉帝為娛樂 糖霜譜跋晦叔作糖霜譜余聞之  
且久偶獲七篇盡讀於大慈之方丈院紹興二十四  
年卧雲菴  
守元書

龍檐歸寧鹵簿齊賜筵意思繡釘梨同時眷屬皆恩賚  
生色文羅翡翠篋

武林舊事后出宮至祥曦殿上升龍檐出和寧門至  
皇后家賜筵皇后繡高釘十椽果子意思十件又皇  
后散付本府親屬宅眷翠冠翠扇翠  
篋環刺繡領生色羅金銀錢金盆盞

婕妤寺水注方塘高揭銀鉤寫鳳凰羞殺易書供斧劈

松門仍榜狀元郎

四朝聞見錄方家峪有劉媿好寺泉自鳳山而下注為方池上揭鳳凰泉三字乃於湖張紫薇孝祥所書夏執中為后兄呼為夏國舅至寺中謂於湖書未工遂自書三字易之孝宗幸寺中不復他語但詔左右以斧劈為薪止用孝祥書

三千玉貌各含愁羅帶相攜赴碧流明月夜寒彈怨語琵琶聲咽故宮秋

宋元通鑑元人索宮女內侍及諸樂官宮女赴水死者以百數水雲集一旬吳山在眼中樓臺疊疊間青紅錦帆後夜烟江上手抱琵琶憶故宮



亂墳誰與一盃羹深羨花宮有世情至竟餘杭門外路  
居人不識薤歌聲

成化杭州府志愍忠資福善向寺南渡初殿帥楊存  
中請建於北山鮑家田青芝塢專充殿司諸軍痊所  
置僧以守香火 文獻通考諸寺院之多產者類諸  
求貴臣改為墳院冀免科敷詔戶部申嚴行下 成  
化杭州府志杭城舊有十三門惟  
餘杭門在北不得出居人之檻

內教場開練虎賁雕戈千騎曉雲屯將臺金鼓黃旗動  
勅賜將軍射鐵盆

玉海乾道二年十一月幸白石大閱 三年三月宣  
殿前選鋒等軍馬軍九百騎入內教場射鐵盆鐵簾

四年十月幸茅灘大閱前一日於教場東列幕宿營皇帝登臺舉黃旗諸軍呼拜者三舉白旗變方陣為備敵之形舉黃旗變圓陣為自環內固之形舉赤旗變銳陣諸軍魚貫斜列為衝敵之形舉青旗變直陣上親御甲冑指授方畧六師歡呼犒賞有加焉

錦標爭過一清堂畫鼓敲殘亂夕陽更有戈船迎弄處十分打扮是錢唐

武林舊事玉蓮堂原名一清堂競渡爭標於此都城紀勝西湖春仲浙江秋仲皆有龍舟爭標輕捷可觀有金明之遺風隨隱漫錄余少觀金明池水戰為之目動心駭比見錢唐水軍戈船飛虎迎弄江濤出汲聚散如神以祝金明池如兒戲耳在軒集競渡權歌建雲旂建雲旂土風到處總相猶朝了霍山

朝岳帝十分  
打扮先杭州

上苑鶯花赴試春  
南宮佳兆遇魁神  
東風不解相思句

愁煞紅簾粉淚人

睽車志錫山許宗美以壽皇登極恩赴省詣太乙宮  
禱焉禱已周行廊廡間才舉足見二神位云河魁從  
魁宗美甚喜洎南宮揭榜何自然為省元而宗美以  
詩賦魁前場蓋符二魁之姓名云林下詞選易祓  
彥章長沙人寧宗朝狀元以優校為前廊久不歸其  
妻作長相思詞寄之云朝有時暮有時潮水猶知日  
兩回人生長別離來有時去有時  
燕子猶知社後歸君行無盡期

臨軒安用捉刀為對使偏輸聰慧時  
一闋清詞新譜出

杏花春雨有誰知

癸辛雜識寧宗不慧而訥於言每北使入見陰以宦者代答詞筌宋寧宗沆溪紗看杏花詞花似醺容

上玉肌方論時事却嬾妃芳陰人醉漏聲進珠箔半鈎風乍暖雕梁新語燕初飛斜陽猶送水精卮

朝衫香褪獨徘徊睡思初濃水閣開怪得無人理紈扇綠陰猶自摘青梅

昨非菴日纂趙葵嘗避暑水亭作詩云水亭四面朱闌繞簇簇遊魚跋萍藻六龍畏熱不敢行海水煎徹蓬萊島身眠七尺白蠟鬚頭枕一枚紅瑪瑙六句已成葵遂睡去有侍婢續云公子猶嫌扇力微行人多在紅塵道古今女史趙葵同知樞密院朝罷歸私第而諸姬不見葵往訪之乃羣聚摘青梅有一姬善

詩賦葵責令賦詩云析聲然報蚤春回滿院春  
風繡戶開怪得無人理綠竹綠陰深處摘青梅

倚翠偎紅作大師畫船天外送歌兒含情無限闌干曲

惆悵參橫月落時

談藪樓叔韶鏞初入太學與同憲友厚善休日乃相  
率出城買小舟沿葦行將十里舍舟陟小坡行道微  
高下又二里得精舍門徑絕平小而松竹花草楚楚  
然友款於門即有小童應容主人繼出乃少年僧姿  
狀秀美進趨安詳殊有富貴家氣象揖客曰久別甚  
思款接都不見過何也便起推西邊小戶入華屋三  
間憲儿如拭玩具皆珍奇喚侍童進點心素膳三品  
甘芳精好撒器命推憲平湖當前數十百頃其外連  
山橫陳樓觀森列夕陽返照丹碧紫翠互相映發漁  
歌菱唱隱隱在耳騁望久之僧以麈尾敲闌干數聲

俄有小畫舫傍湖而來二美人徑出登岸靚粧麗質  
王公家不過也僧命具酌指顧間觴豆羅陳窮極水  
陸左右執事童皆妓好杯行美人更起歌舞僧與友  
謔浪調笑歡意無間樓神思愴恍正容危坐喋不敢  
吐一語伺僧斲起挈友臂扣所以友愠曰子但飲食  
縱觀何用知如許而觴十起巡夜已艾僧復引客至  
小閣中卧具皆備曰姑憇此遂去壁外即僧榻試穴  
隙窺則徑擁二姬就寢友醉甚大斲樓獨徬徨不寐  
起如廁一童執燭密詢之此為何地童笑曰官人是  
親戚何須問樓反室展轉通宵時側耳聽聲但聞鼻  
息齟齬而已將曉僧送之門鄭重而別由他徑絕湖  
而歸樓悵悵累日疑到非人間其後出處參商竟不  
克再  
諧

鴛鴦打散合蟬陳今古詞章集混成一段霓裳一歌曲

# 愛他三十六番新

癸辛襍識故都德壽宮舞譜其中皆新製曲多妃嬪諸閣所進內有左右垂手雙拂合蟬舞頭舞尾打鴛鴦場等曲皆前所未聞亦可想見承平和樂之盛也齊東野語混成集脩內司所刊古今詞歌之譜靡不備其霓裳一曲共三十六段太后令內人歌之凡用三十人每番十人奏音極高妙

## 遺像猶思墜紫雲 亭空見伯顏軍 一從南北飄零後 還有梅邊生祭文

水東日記文山像上有太傅錢唐于公謙題云烏乎文山遭宋之季狗國忘身舍生取義氣吞寰宇誠感天地陵谷變遷世殊事異坐卧小閣困於羈繫正色直辭久而愈厲難欺者心可畏者天寧正而斃弗苟

而全南向再拜含笑九泉孤忠大節萬古攸傳我瞻  
遺像清風凜然于公每懸此像於座側數十年如一  
日也 夢占類考文天祥大父夢一兒乘紫雲而下  
已而復上行生天祥名雲孫字天祥後以字行字履  
善及廷試第一理宗見其名曰天之祥乃宋之瑞也  
字之曰宋瑞 吟嚙集文文山詩註伯顏至臯亭山  
除樞密使右丞相奉旨詣北軍講解見伯顏陳大誼  
留營中不遣 文山全集空坑之敗夫人與佛生柳  
小孃環小孃顏孺人黃孺人皆為俘至元帥所已夫  
佛生必有愛其俊秀養為己子矣 吳文正公集跋  
文丞相與妹書一代三百年有此臣一家數十口有  
此女臣不二君女不二夫臣盡節而死女全節自生  
不愧於天不作於人可傳千萬世卓哉曼卿出其門  
藏此帖甚珍之噫誠可珍也觀此為之流涕 書系  
天祥過南安遣人告墓以弟壁之子陞為嗣又寄弟  
詩曰親喪君自盡猶子自吾兒 宋遺民錄宋太學



生廬陵王鼎翁作生祭文丞相文歷陳其可死之義  
又反覆古今所以死節之道激昂奮發累千五百餘  
言錄數十本驛途山店俱貼之大義在連文丞相死  
國然丞相從容就死固不係鼎翁之文而鼎翁之志  
可悲矣鼎翁名炎午號  
梅邊所著有吾汶藁

桑海英風不可攀南朝寂歷舊江山惟餘幾輩才人在  
詩卷長留天地間

淵穎集吳萊桑海遺錄序云淮陰龔開聖子撰文宋  
瑞陸秀夫二傳叙其前後死節精忠激烈誠有在於  
天地而不在今古者予故私列二傳以發其端詢之  
故老徵之稭記題曰桑海遺錄以待太史之采擇焉  
天地間集謝翱所編其詩為家鉉翁文天祥文及  
翁謝枋得鄭協柴望徐直方何新之王仲素謝鑰陸

經何天定王曼之范協吳子文韓 林景昭凡十七  
人明宋濂著謝先生傳云天地間集五卷蓋未完書  
也 月泉吟社潛齋吳渭清翁集謂以故宋義烏令  
入元不仕退居吳溪延致方韶父謝臯羽吳子孟作  
月泉吟社四方吟士從之以田園雜興命題凡得二  
千七百三十五卷三子為其評校選中二百八十名  
甲乙其名次出一榜各有賞給今列其詩者僅六十  
名題名多隱號間有重名因詩為次第第一羅公福杭  
清吟社三山連文鳳也第二司馬澄翁義烏馮澄也  
第三高守杭州梁相也第四仙邨人註古杭白雲社  
第五山南隱逸義烏劉應龜也第六子進分水魏新  
之也第七粟里金華楊本然也第八倪梓義烏陳堯  
道也第九全泉翁孤山社全璧也第十呂淡翁東陽  
呂文老也第十一方賞桐江方德麟也第十二鄧草  
暹三山劉汝鈞也第十三魏子大註武林九友會第  
十四喻似之分水何鳴鳳也第十五躡雲建德梓州

翁合老仲嘉也第十六玉華吟客分水林子明也第十七田起東崑山劉蒙正也第十八唐楚友孤山社白珽也第十九讖字耕夫武林社秦州周暎也第二十學古翁桐江趙必范也第二十一社翁釣臺挑潼翔也第二十二騎牛翁三山高鎔也第二十三天目山人義烏吳瑀也第二十四安定書隱義烏胡南也第二十五槐窻居士浦陽黃景昌也第二十六姜仲澤金華姜霖也第二十七陳柔著武林社陳必曾也第二十八方尚老桐江方子靜也第二十九朱孟翁東陽人也第三十愛雲仙杭白雲社趙必折也第三十一陳希仰義烏陳舜道也第三十二劉時可雙溪人也第三十三岳重武林九友會僧了慧也第三十四雲東老吟義烏許元發也第三十五避世翁義烏洪貴叔也第三十六觀我金華楊舜舉也舜舉即本然之字第三十七徐端甫義烏人也第三十八龜潭朱釋老金華人也第三十九樵逸山人洞江李萼也

第四十柳圃月泉陳君用也第四十一臨泉僧志寧  
杭人蔡潭也第四十二唵隱俞自得金華人也第四  
十三東湖散人註古杭人第四十四仇近村古杭仇  
遠也第四十五陳緯孫註即分水何鳴鳳第四十六  
陳鶴臯註即月泉社陳君用第四十七冷清建德王  
進之也第四十八感興唵註桐江人第四十九王進  
之建德人也即上冷清第五十元長卿義烏陳希聲  
也第五十一聞人伯仲即陳希聲第五十二戴東老  
註月泉社人第五十三子直註即魏新之第五十四  
襲慶苔水陳文增也第五十五九山人註寓杭第五  
十六桑柘區金華人也第五十七柳州註月泉社人  
第五十八草堂後人杭人也第五十九君瑞桐江人  
也第六十青山白雲人杭人也已上詩皆全後又列  
摘句有無機老農子問田農夫唐人機軸忘懷老人  
五雲山人老農劉存存石姥寄客雙澗雲水白雲人  
傳宣山自家意思柳耆俞如山跨犢者山野人盤隱

末子扶杖夫廷雲翁自適郭建德駱佾賓陳帝臣晚  
靜竹簑笠翁俞埜處藍田道人林泉生傳九萬才人  
其間或有名或無名大抵皆宋末遺老也舊有黃顯  
序明正德中田汝籽重序刊行 谷音清江杜本伯  
原輯遼東王澹洛陽程自脩瑯琊冉琇河東元吉曲  
阜孟鯁廣漢安如山成都王翥襄陽師嚴廣陵張琰  
漢陽汪涯建安詹本四明皇甫明子長沙丁開括蒼  
鮑輓京口崔瑋姑孰魚潛瑞陽柯芝柯茂謙廣陵邵  
定豫章熊與蘇宜春晏七大庾孫璉臨江楊應登楊  
雯盱江曾澈又無名氏番禺布衣瀟湘漁父閩清野  
人羅浮狂客凡二十五人無名氏四人詩一百首蜀  
郡張槃跋云皆宋亡元初之節士多幽人清詠之辭  
題曰谷音者山谷之音野史之類也 宋遺民錄程  
敏政編自序云宋末王鼎翁謝臯羽唐玉潛三子其  
名不載於宋史因輯其遺文以備史事并附錄張毅  
甫方韶卿吳子善龔聖子汪大有梁隆吉鄭所南林

景曦諸人之作而係庚申君事實於後凡十五卷  
樂府補題集中倡和作者為王聖與周公瑾王理得  
馮祥父唐英發呂和甫李商隱練行之唐玉潛趙正  
卿李師呂張叔夏仇仁近凡十三人又無名氏二人  
共詞三十七首合為一卷陳維崧四六序云嗟乎此  
皆趙宋遺民之作也粵自雲迷五國橋識啼鵲潮歇  
三江營荒夾馬壽皇大去已無南內之笙  
蕭賈相難歸不見西湖之燈火丈不備錄



南宋樵事詩卷七